

本  
草  
彙  
言

膀胱有瘀飲惡血。或脹或痛者。用韭菜白一把。白蜜湯畧  
道不可過熟。和醬油薑醋拌。日食之一月愈。○治痔瘡  
腫痛。用韭菜一把。泡滾湯中。以器蓋之。留一孔。乘熱坐  
孔上。先熏後洗。數次愈。○治小兒胎毒。四聲本草初生時。以韭菜  
汁數匙灌之。卽吐出惡水涎沫。永無諸病。○治跌撲傷  
損。出血。并金瘡出血不止。以韭汁和風化石灰。日乾。每  
用爲末。傅之立止。○治風犬咬傷。叶氏後學用冷水洗净傷處。用  
韭菜搗汁一碗。飲之。渣隨傅傷處。七日再如法搗汁飲。  
并渣換傅。以四十九日。共飲汁七碗。渣換七次。忌食魚  
肉。猪鷄鷄犬肉。百日。

○韭子味辛甘氣溫無毒通淋濁利小水之藥也。李氏曰。腎主閉

藏肝主疏泄。韭乃肝之菜。臭氣歸督。善疏泄。閉藏抑鬱之氣。故淋濁可通。溺閉可利。又遺尿不禁可止。按素問曰。想想無窮。與入房太甚。發爲筋痿。及爲白淫。男隨溲而出。女子綿綿而下。乃足厥陰肝病也。此藥專治遺精漏泄。淋濁。小便不通。不禁。女子帶下者。能入厥陰。耳溫而補肝。及命門之不足。故專治下焦諸證云。

○韭黃乃韭芽之未出土者。味甘辛氣溫有小毒酒席中以此供饌。甚可口。官家嘗珍之。然食之滯氣發瘡亦以倉抑鬱未申之氣故也。

葱味辛甘氣溫無毒氣厚味薄可升可降陽也通行手足

十二經。

韓氏曰葱有四種南北東西皆有之山山谷者曰大葱葱陸  
地者曰胡葱葉葱漢葱又名大葱其莖疏硬而味  
淡春時開花作子大黑味辛而三端東人名冬葱或  
名大芥葱其莖柔軟而香不結子分莖莖人名冬葱或  
上供多用之胡葱莖葉俱鷹大而硬味甘熟者似胡  
葱而稍細葱療病相宜凍葱入食料可取美辟腥氣外  
有一種五爪葱洲楚人多植之其皮微赤每莖上出歧  
如角角下生根五月摘下種之成叢不分子亦可充食  
料今浙人亦種盆內云能辟邪

○葱白發散寒邪疏通逆氣流散血鬱之藥也方龍潭曰

韓氏本草

味辛應金中空象肺前人主傷寒邪在太陽經寒熱頭  
痛無汗氣促者又治霍亂轉筋慎闊腹疼者凡陰寒之  
證惟此可攻如喉痺不通腮頤腫脹或溲便阻閉小腹

急墮或胎孕不安。腰腹疼痛。或心胃攻疼。寒熱蟲積。或  
於豚瘦疝。走痛上下。或脚氣內攻。腹脹厥逆。凡氣閉之  
證。惟此可行。凡諸肉食之味。用葱調制。不但取其香烈。  
辟腥而亦可解百物之毒也。生則辛散。而發越表裏。寒  
邪熱則甘補。而通達上下。陽氣氣者。血之帥也。氣通則  
血活矣。故陳氏勝金丹方。每製乳香。沒藥。俱搗葱汁煮  
之。能使氣行血和之意。大抵此劑。辛烈之性最甚。而發  
散之功最多。若多食則昏人頭目。損人元氣。蓋因走散  
之力大也。分而論之。或謂葱白解表。葱實補中。葱葉去  
毒。葱根止頭痛。極有理也。

盧子曰。先哲曰。葱也。白根層理。綠莖空中。上達橫循。陽

氣前通之象也。方之奇方急方。劑之宜劑通劑也。故力能內開骨節。外達毫竅。上徹頸項。下及趺蹠。故主陽氣閉塞。致寒風外侮。作湯蕩滌之前。通陽氣。揚液爲汗也。其氣開出。當入太陰。其性通明。當入陽明。倘陽明闔機不及者。投之寧免走泄之失。

○集方治傷寒頭痛如破。發熱無汗氣促者。用連根葱白八兩。生薑二兩。水煮溫服。初起一二日。用此取汗。○治傷寒。因交接勞復者。腹痛明腫。用葱白二兩。搗爛和入米醋一鍤。白滾湯一碗。調和飲之。○治霍亂煩躁坐臥不安者。用葱白二十莖。大棗十枚。水二升。煎一升。溫和服。○治喉痺不通。腮頤腫脹。用桔梗五錢。甘草一錢。水

煎臨服時和入葱汁半盞。徐徐飲之。○治小便阻閉不通。小腹急墜用葱白三筋剉炒。用帛盛二個。更互熨摸。心坐臥不得。用葱白一筋煮濃汁飲之。未死卽安。已死卽出。竹堂方未効再服。一方加當歸川芎各三錢同煮。○治心胃攻痛。不拘寒熱。蟲積甚至牙關緊閉欲絕者。以老葱十莖搗爛入滾湯數匙。帛裹絞汁半盞。再和脂麻油廿餘匙灌入。但得下咽。卽甦少頃。蟲積皆化黃水而下。永不复发。○治奔豚瘕瘤走痛上下。用葱白一兩。茯苓生薑各五錢。胡蘆巴三錢水煎服。外再用葱白八兩搗膏炒熱。用帛裹熨小腹臍間上下。○治小兒盤腸內釣腹。

痛用葱白二兩煎湯洗兒腹上再以葱白連鬚者三兩搗膏炒微熱貼臍上良久尿出痛自止○治肺氣內攻腹脹厥逆用葱白四兩枳殼枳榔牛膝各五錢大黃酒製附子童便製各二錢水煎徐徐灌之

○續補集方治陰毒腹痛厥逆唇青卵縮六脈將絕者用葱一大束去根及青取白二寸用線札成墩子烘熱安臍上以熨斗盛火熨之。怒壞卽止良久熱氣透入手足溫而有汗卽瘥乃服四逆理中參附諸湯若熨而手足不溫不可治○治脫陽危證方凡人大吐大泄之後四肢厥冷不省人事或與婦人交後小腹絞痛外腎收縮冷汗出先以葱白炒熟熨臍上再以葱白三七莖搗爛用

酒煮灌之。陽氣卽回。○治大人小兒無故卒然死絕。名

爲中惡。急取葱白心一段刺入鼻孔中。男左女右。鼻中

血出。卽甦。○治水腫。用葱白一把。煮水二碗。徐徐服。當

下水出病已。岳困者。取葱搗爛坐之。○治諸般腫毒。疗

毒以葱汁煎稠和煉熟蜜少許。乘熱不時塗之。○治腦

破骨折。用葱白搗膏和生蜜少許。再加小麥粉和勻。厚

封傷處。効。

薺白味辛苦氣溫性滑無毒可升可降陽也入手陽明經

李氏曰薺又名火葱又名菜芝生魯山平澤今所在亦有八月栽根九月分苗宜肥壤之地種法一本率七八支多者科輒圓大故以七八為率也狀似韭但非葉中實而扁有劍脊葉葉中空而稍圓有稜線嗅如葱三月作花細碎紫白色不結實爾雅翼云薺似韭而無實也亦不甚葷古禮臨川應膏用薺膏犬豕之屬脂羊牛栗鹿之類葷物各有所宜故薺與牛肉同啖令人漱痕是矣蓋雖葷物猶能去腥第狠食之迷虎啖之遺鼠吞之毛落狗嚼之反胃獨與獸不相宜也今圃人種薺者每川大蒜置硫黃其中久則種分爲薤薤有赤白二種赤者苦無味白者肥且美可供食餚尤藥用圃人口作素蔬飯僧供佛交天祀神非此不稱敬別有一種水晶慈蒜根葱葉與薤相似其臭不臭亦其類也按王禎農書云野薤俗名天蒜生麥源中似薤而小味益辛亦可供食但不多有爾雅所謂山韭者是矣

○薺白溫陽緩胃行滯氣禁洩痢之藥也邵起寰曰按李時珍言道家以薤爲五葷之一其性溫補服食家皆須

之。又按杜氏詩云：東北青芻色，圓如玉筋頭。衰年關膈冷，味暖併無憂。又按王頴農書云：生則辛竦能引涕唾，熟則溫補能利陽道。植之不蠹，嚼之有益。老者怡之，少者懷之。學道人資之，疾病人賴之。如孟氏本草云：服之可通神明，安寃覓，益中氣，續筋力。據此諸說，則薤之一物，補陽，煖胃，非虛語矣。但溫辛性熱，如陰虛發熱病，不宜食也。

○集方治赤白久痢食醫心鏡用薤白、和白米煮粥食之。此方又治產後諸痢。小兒疳痢，同法。○治胸痺刺痛，喘息欬唾，短氣者。用薤白八兩，桔梗實一枚，水二升，煮半升服。一方加半夏、生薑、枳實各五錢。○治卒中惡死，用薤白搗汁。

灌入鼻中卽省。○治產後諸病用薤白一把同半升炒

食。

○治妊娠

古今錄卷之三

胎動腹痛

方

用薤白一兩當歸五錢水煎服

○治咽喉

重陽

方

腫痛用薤根搗爛

熱醋調塗腫處

○治血向口鼻中出如湧泉諸藥止之不効者用生薤白生韭白生薑各五錢生地黃生荷葉生藕節生茅根各

一兩俱搗汁冷飲之。

○薤白湯治一切腹痛之總司

腹

痛有寒

熱食血濕瘀

蟲

實虛九般之別

用薤白三錢香

附川芎白芷茯苓黑山梔陳皮乾薑各一錢五分水煎

服。

○腹痛綿綿無增減者

寒也本方加吳茱萸砂仁

肉桂

腹痛乍痛乍止

口渴而小便澀者

火也加黃連黃

芩白芍

天花粉

腹痛而瀉瀉者

食積也加山楂

積實。蘿蔔子厚朴腹痛着一處不移者是死血也。加桃仁歸尾、玄胡索、川芎、肉桂、紅花、腹痛而小便不利者是濕痰也。加蒼朮、豬苓、澤瀉、半夏、腹痛而釣引脇下有聲者是痰飲也。加蒼朮、南星、烏藥、木香、半夏、厚朴、腹痛而時止時作而白唇紅者是蟲積也。加烏梅、花椒、檳榔、苦練子、牽牛頭疼腹痛以手按之脹軟而痛止者虛也。加人參、白朮、當歸、黃耆、白芍、陳熟地黃、腹痛手不可按者是實痛也。加枳實、檳榔、瓜蒌仁、大黃。

白芥子味辛氣溫無毒

李氏曰白芥生太原河東但處處可種今人知詩者少以八九月下種冬生苗至春深莖高二三尺其葉花而有子如花芥葉青白色莖易起而中空性脆畏狂風大雪須用竹枝護護乃免折損三月開黃花香極結角如芥角其子大如米黃白色又有一種莖大而中實者尤高其子亦大此菜雖是芥類迥然別種也入藥勝於芥辣子

○白芥子化痰消痞之藥也沈孔庭曰按李氏方云辛能

利氣溫能發散故其功用專於豁痰平逆氣推爲上劑如痰在膜脣關節之間胸膈藏府之內非此不能通達古方控涎丹用此正此義也又按韓氏醫述云凡老人苦於痰氣喘嗽胸滿難食不可妄投燥利之藥宜三子養親湯治之隨手獲効蓋白芥子主痰而下氣寬中紫

橘子主氣而定喘止嗽。蘿蔔子主食而消滯降氣。各微炒研末。每劑不過三四錢。煮湯飲之。如大便素實者。入白蜜二三匙。冬月加薑一二片。尤良。如陰虛勞瘵。血虛生痰之證。禁用之。

○集方治胸脇痰飲。用白芥子五錢。白朮一兩。爲末。棗肉和搗爲丸。梧子大。每清晨白湯下一百丸。○治風濕癰瘍。方結成痞塊。外用白芥子爲末。醋調敷患處。內用白芥子爲末。神麪打糊。梧子大。每服三錢。清晨參棗湯下。○治痰火煩運用。白芥子、黑芥子、大戟、甘遂、芒硝、硃砂。各等分。爲極細末。神麪打糊爲丸。如梧子大。每食後服一錢。生薑湯下。○治冷痰宿滯。用白芥子、黑芥子、大戟、甘

遂胡椒肉桂各等分爲末。神龜打糊丸。桔子大。每服一錢。生薑湯下。集解○治腫毒初起用白芥子研末。醋調塗之。治氣脹腹脹。名五子散。用白芥子、山楂子、香附子、紫蘇子、白蘿蔔子各五錢。微炒共研爲細末。早晚各食前服三錢。白湯調下。

治肺癰吐膿血咳嗽面腫。用陳年芥菜滷久埋地中者。每日取十數匙溫湯頓熱飲之立愈。眞仙方也。

茱萸子味辛其氣平無毒可升可降陰中陽也入手足太陰經。

蘿氏曰：茱萸南北皆有，北土尤多。有大小二種。小者肉堅宜蒸食，大者肉脆宜生啖。河朔有極大者，而江南安州、洪州、信陽者極大，重至五六斤，亦一時種躉之力也。李氏曰：性喜燒土，隨地可植。夏末布種，秋末刈苗，冬末采根。春末抽薹，高五六尺，開細花紫碧色，夏初結角。其子如大麻子，紫赤色，圓長不等。其葉有大者，如蕪菁，細者如花芥，皆有細柔毛。其根色白，其狀有大小長短圓扁，纏滑上鐵下尖，細腰巨腹，歧尾叉頭，有鬚無鬚之別。大抵生沙壤者脆而甘淡，生肥土者堅而甘辣，可生可熟，可菹可醬，可豉可醋，可糖可鹽，可飯可羹，乃蔬中之最有利益者，與地黃同食，令人髮白。

李時珍

○茱萸子消食化痰，下氣定喘之藥也。陸平林贊曰：茱萸

味辛性劣，有薑之操，有芥之烈，散血消食，下氣降痰，功效甚捷。其子味更辛辣，故曰華方研汁飲吐，風痰利大

小便解積痢後重。又醋調敷消腫毒去脹滿散跌撲損傷瘀血內結諸證皆利氣之効也。丹溪方謂蘿蔔子治瘀有推墻倒壁之功。然其治瘀蓋本於利氣矣。如元虛氣弱之人有痰喘氣閉者當與補養藥同用庶幾乎。

○集方治老人痰氣喘嗽用菜菔子合白芥子

房金方

蘿子名三

子養親湯方見前白芥子韓氏方中

○治一切痰嗽喘

急用菜菔子一兩爲極細末甘草三錢爲細末煉蜜丸彈子大黃昏或五更時噙口內徐徐嚥之痰自消食自化矣。○治氣脹氣壅用菜菔子四兩研水絞汁浸砂仁二兩浸一夜炒燥再浸炒凡三四次爲末用一錢米湯調服。○治瘧疹欲出不出用菜菔子生研末米湯調服。

二錢。○治風痰壅閉。脹滿昏塞。用菜菔子二兩。生研末。白湯調和。絞汁飲。一切痰結。立時湧出。○治大小二便不通。用菜菔子二兩。煎湯立通。○治痢疾有積。後重不通。用菜菔子五錢。白芍藥三錢。大黃一錢。木香五分。水煎服。○治腫毒疼痛不消。用菜菔子一兩。生研爛。和米醋調敷。消腫減毒氣。○治瘀血食厥。用菜菔子一兩。生研爛。和米醋調敷。摩腹上漸消。○治跌打損傷。瘀血脹痛。用菜菔子二兩。生研爛。熱酒調敷。漸消。

治癆疾久不止。用萊菔子二兩。白酒一鍾。浸一宿。取起  
搗汁。和酒濾出。加蜜一鍾。同煎滾調勺溫服。立止。  
六聖膏。治一切痞塊。積氣。脾痰。肚大青筋。氣喘上壅。或  
發熱咳嗽。吐血。衄血。用萊菔子、大黃、肥皂肉、生薑、生葱  
大蒜頭去衣各八兩。右共搗爛。用水百碗。煎將乾。濾去  
渣。再熬汁成膏。黑色爲度。乘熱攤絹帛上。貼患處。  
治小兒臍風撮口。用萊菔子、生薑、葱白、田螺肉各等分。  
共搗爛。搭臍四旁。一指厚。炮住。一時有屁。下泄而愈。  
論臍風。多因斷臍之時。被風濕所侵。視按其臍必硬直。  
定有臍風。必自臍發出一道青筋。却分兩分。行至心。必  
死于青筋。初發急燈草蘸油燃青筋頭。并分行盡處燎  
之。使截住。不致攻心。更以外灸中院三壯。內服萬億丸。  
一二粒。以泄其胎毒也。

論撮口。由胎氣挾風熱之邪。入臟。毒流心脾。故令舌喰。  
唇青。聚口。啼哭不得。當視其齒根之上。有小泡子。如粟  
米狀。急以針挑破。即開口便安。或用牛黃五釐。將白湯  
調滴入口。卽愈。

生薑味辛甘氣溫無毒氣味俱厚浮而升陽也入肺脾腸

胃諸經

李氏曰薑生漢溫池州江西浙江諸處宜原隰沃地四  
月取母薑種之五月生苗如初生嫩薑又似竹葉而稍  
潤兩葉對生葉亦辛香無花實性惡濕洳而又畏日如  
秋熱則無薑設一莖稍微則根病矣秋社前後新芽頗  
長如列指狀一種可生百指皆分歧而上卽宜取出母  
薑否則子母俱敗秋分采者脆嫩可口霜降後則生筋  
而老矣日乾卽爲乾薑又春秋  
連斗樞云疏星下微而爲薑

張元素

補起寒病

○薑能通神明去穢惡散風寒和脾胃之藥也蓋生用發

散乾則溫中凡中風中暑中氣中毒乾嘔霍亂一切卒  
暴之證用薑汁與童便和服立可解散然薑能開痰下  
氣童便能降火也又生薑性散能驅肌表之風寒乾薑  
性守能攻腸胃之寒濕生薑止嘔而治泄瀉自利乾薑

上痛而治脣腹攻疼。生薑佐大棗而厚腸胃。乾薑君黃連而瀉陰火。生薑配二陳而治痰尤捷。乾薑配歸茱而治痞最良。然而血證不可用熱藥以其血熱則行也。又於吐血下血及崩漏迫血妄行。反用炒黑乾薑以佐之。可以止血。其故何也。蓋物極則反。血去多而陰不復。使陽無所附。得炒薑之溫助陽之生。則陰復而歸於陽矣。豈血有不止之理乎。又生薑爲治寒之藥。而治火尤佳。若芩連之劑。以薑拌炒。使苦寒之劑。因其從而治其熱也。何薑之不可用乎。大抵薑之一劑。從其性而用之可也。設使血證而遂用炒薑。必有悞投熱證而妄用生薑。心有悞治而且病痔之人。兼酒立發癰瘍之證。多食即

一生惡肉。豈曰薑能通神明去穢惡而樂用之乎。

○沈則施先生曰。按前賢成無己云。薑棗味辛。其專行脾之津液而和營衛。藥中用此。亦可逐邪出汗而解。而李時珍謂去邪辟惡。生啖熟食。醋醬糟鹽糖蜜浸製無所不宜。可蔬可茶可果可藥。其用博矣。凡早行山行。宜嚼一片。不犯霧露清濕之邪。及山嵐不正之氣也。

金靈昭先生曰。按前賢朱丹溪云。薑本辛熱。炒黑則苦而平矣。能由陽入陰。由陰出陽。所以引氣藥入血分而補血。引血藥入血分而止血。如血虛發熱。產後大熱。必須用之。止血痢。腸紅及唾血。吐血。嘔血。下血。血脫。面色白。而天不澤。六脉濡弱。有陰無陽者。大宜加之。如古方

有用四君子。配當歸、熟地、加炒黑乾薑，而治氣虛血脫者；有用四物湯，配人參、黃耆、加炒黑乾薑，而治血虛氣弱者；有陽生陰長、陰和陽合之義云。

倪朱謨曰：生薑、乾薑統治百病，不拘寒熱虛實。外感內傷及不內外因諸證，寒則爲桂附使，熱則爲芩連使，虛則爲參耆歸芍使，實則爲枳樸檳陳使。從芒硝、大黃則攻下而行，從熟地、石斛則凝欽而止，從燥藥則燥，從潤藥則潤。應外用者，或擣汁塗，或擣渣熨。治病萬種，應變無方。顧人用之何如耳？惟癰瘍痔血之證，宜禁用之。

○集方治中風痰迷人事不清，用生薑一兩半，人參、白朮各五錢，水煎服。○治中暑熱極煩渴，用生薑三片，黃

連一錢知母、石膏、各五錢。甘草、五分水煎。臨服時加童便一盞。○治中氣昏厥。亦有痰閉者。用生薑五錢、半夏一盞。○治中一切禽獸蟲魚草木諸毒。用生薑汁半盞和糞清半盞微溫服。○治霍亂轉筋。不吐不瀉。用生薑汁半盞和童便半盞食鹽五分調勻冷服。○治感冒風寒。用生薑五片、紫蘇葉一兩。水煎服。○治泄瀉自利用。生薑一兩。烏梅五箇。煎湯調沙糖五錢飲之。○治臍腹冷疼。用乾薑一兩。吳萸砂仁各三錢。水煎服。○治吐血。逆瀉盈盆。用炒薑炭一兩。懷熟地白芍藥各五錢。茯苓。羚羊角屑各二錢。甘草一錢。水煎服。如四肢厥冷。脉細。

欲脫者。加製附子、人參、各五錢。○治嘔吐。久不止用炒  
葛炭、白朮，各一兩。水煎服。○治時行寒瘧。用生薑四兩、  
白朮二兩、草果一兩。水五大碗。煎二碗。于未發時早飲。  
○治冷瘻。用生薑二兩、錫糖一兩。水三碗。煎至碗半。  
溫和徐徐飲。

續補集方。治暴逆氣上。用生薑三片。嚼之立定。○治心

全方

卷之二

通

氏方

卷之二

通

氏方

卷之二

通

氏方

卷之二

通

氏方

下痞脹。兼膈噦者。用生薑

全方

卷之二

通

氏方

卷之二

通

氏方

卷之二

通

氏方

卷之二

通

四兩。半夏二兩。水十碗。煮二

全方

卷之二

通

氏方

卷之二

通

氏方

卷之二

通

氏方

卷之二

通

碗。徐徐服。○治霍亂。轉筋入腹。欲死。用生薑

全方

卷之二

通

氏方

卷之二

通

氏方

卷之二

通

氏方

卷之二

通

三兩。擣細。

全方

卷之二

通

氏方

卷之二

通

氏方

卷之二

通

氏方

卷之二

通

入白酒內煮滾。徐徐飲。以薑渣乘熱敷痛處。○治胸

全方

卷之二

通

氏方

卷之二

通

氏方

卷之二

通

氏方

卷之二

通

脅。欬欬熨之。冷再易。○治大便不通。用生薑、醬內淹一日。

全方

卷之二

通

氏方

卷之二

通

氏方

卷之二

通

氏方

卷之二

通

削成尖條納入穀道中。○治濕熱發黃用生薑周身時時擦之漸退。○治暴赤腫眼用古銅錢刮薑取汁于錢上點之次日即愈。○治諸瘡舌上生胎以生薑片蘸鹽湯擦之自去。○治滿口爛瘡用生薑搗汁頻頻漱潑甚良。○治齒牙疼痛用老生薑切成碎米用枯礬等分拌勻時時擦之。○治刀斧金瘡用生薑搗極爛敷上扎定次日即生肉。○治閃肭手足并跌撲內傷用生薑和葱白搗爛和麪炒熱會之。○治腫毒初起用老薑一塊磨汁時時塗之漸消。○治一切禽獸百蟲咬人中毒用生薑搗汁外敷內服自解。○治中一切草藥食毒用生薑搗汁半盞徐徐飲之即解。○治血痢不止用乾薑炒成

炭末五錢。真阿膠、麥麴拌炒成珠六錢。甘草、川黃連各三錢。共爲末。和勻。每服一錢。米湯調服。

○薑皮味辛而散。去表寒。消浮腫。化痞滿。腹脹之藥也。煎湯代茶飲。其効立見。

○薑葉味辛而溫。散水結。殺魚膾生冷諸積之藥也。搗汁和酒飲。其驗如神。

柴氏

治陰毒傷寒。惡寒無熱。嘔吐泄瀉。呃逆吐蛔。口鼻冷氣。水漿不入。甚至大小便不禁。語言無聲。目睛凝定。四肢厥逆。身冷如冰。先用葱搗爛。炒熟熨臍上。如冷再炒換。熨內服加味理中湯。乾薑、大附子炮入參白朮、肉桂各一兩。甘草五錢。水煎溫。和徐徐灌之。

荳萎味辛氣溫無毒可升可降陽中陰也入手少陰足太陰厥陰經。

李氏曰。荳萎南北處處有之。八月下種。初生葉圓葉有花岐根軟而白。冬春采之。香美可食。亦可作菹。立夏後開細花淡紫色如芹菜花。五月收子。如大麻子。亦辛香於蔬菜中。子葉俱可食。性熱。可供食。宜肥地種之。

○荳萎通心氣辟惡氣發痘瘡之藥也。吳養元曰。此藥辛

溫。香竄內逼心脾。外達肢體。能辟一切不正之邪。能發一切鬱逆之氣。故痘瘡沙癩發出不快透者。以此煎飲。又將根莖數枝。臥床上下左右懸掛。聞此香氣。卽百邪可祛。百病可出。和胃散風。開鬱導閉。設有胡臭汗氣。天癸穢血之氣。用此大能辟除。若天令陰寒。兒體虛弱。用此最妙也。

○集方治痘瘡出不快。用蘆薈三錢煎湯飲之。如再不透。  
再用蘆薈二兩切碎入罐內。以酒一壺煎滾沃之。以物  
蓋定。勿令洩氣候冷去渣。微微含噴從項背至足。令遍。  
勿噴頭面。○治產後無乳用蘆薈煎湯飲之。○治小便  
不通用蘆薈煎湯飲之。○治中蠱毒。用蘆薈根搗汁半  
升。和酒服立解。○治腸風下血。或赤白痢。用蘆薈五錢。  
甘草二錢煎湯頻飲未効再用。

○治小兒盤腸氣痛。則腰曲乾啼。頭上出汗者是也。此是  
感受風冷所致。急用蘆薈一把。葱白二十莖。煎湯熨洗  
其腹良久。尿自湧出。其痛自止。

芹菜味甘氣寒無毒沉也降也

李氏曰。芹有水旱二種。水芹生江湖陂澤之涯。旱芹生路圃陸地。又有赤白二種。一月生苗。其莖有節。其葉對節而生。似芳菊莖有稜而中空。其氣芬芳。五月開細白花。如蛇牀花。楚人采以濟饑。其利溥哉。詩云。觱沸闕泉。言采其芹。

○芹菜解酒熟丹石藥毒。烟火煤火之毒。之藥也。黃正賜曰。日華子治五種熱疽黃病。婦人血熱暴崩。天行時火。煩渴諸證。蓋涼而清利之物也。調鹽醋食可充蔬菜。如脾胃虛弱。中氣寒乏者。禁食之。二八月宜少食。恐嘶蜴虺蛇之精。嘗伏其中。悞食多有病瘦者。

○集方治已上諸病。俱用芹菜鹽醋調和食之。不配他藥兼用者。如治五種疽黃病。僅用米醋一味調食。鹽味鹹

又不可加入也。

懷香。卽尚味。辛甘平。氣溫。臭香。無毒。可升可降。陽也。入手足太陰。少陰經。

李氏曰。懷香深冬宿根而發。莖叢生似蒿。高三尺。細葉嫩綠似藻。五六月開花。花頭如傘蓋。又似蛇床花。而色黃。結子似麥粒。有細稜而輕浮。俗呼小茴香。所在皆有。惟寧夏者稱第一。番舶來者子大如指實製成八瓣。一瓣一核。核似豆。黃褐色。臭更芳香。味更甜蜜。俗呼八角茴香。廣西左右江峒中亦有之。形與中原者迥別。第氣味相同。北人得之。咀嚼薦酒。入藥最良。  
修治者焙燥研細用。入角者去便及子。

(○) 懷香。溫中快氣之藥也。方龍潭曰。此藥辛香發散。甘平和胃。故唐本草善主一切諸氣。如心腹冷氣。暴疼心氣。嘔逆胃氣。腰腎虛氣。寒濕脚氣。小腹弦氣。膀胱水氣。陰癩疝氣。陰汗濕氣。陰子冷氣。陰腫木氣。陰脹滯氣。其溫中散寒。立行諸氣。乃小腹少腹至陰之分之要品也。倘

胃腎多火，得熱卽嘔，得熱卽痛，得熱卽脹。諸證與陽道數舉，精滑夢遺者，宜斟酌用也。

○集方治一切諸氣爲病，用小茴香一兩炒研爲末，每服三錢，不拘時隨證用藥湯導引。○治心腹冷氣，用木香、吳茱萸。○治暴疼心氣，用玄胡索香附。○治嘔逆胃氣，用砂仁、白朮、乾薑。○治腰腎虛氣，用杜仲、補骨脂。○治寒濕脚氣，用蒼朮、獨活。○治小腹弦氣，用荔枝核、橘核、川椒。○治膀胱水氣，用猪苓、澤瀉、水通、乾薑。○治陰癩疝氣，用荔枝核、橘核、吳茱萸。○治陰汗濕氣，用蒼朮、斬艾木香。○治陰子冷氣，用肉桂、吳茱萸製附子。○治陰腫木氣，用紅花、桃仁、肉桂、玄胡索。○治陰脹滯氣，用牛

○治痔瘡清漏方。痔者成瘻未破也。宜服解毒清火調理氣血藥。證配藥一二錢煎湯調服。出方脉正宗。

○治痔瘡清漏方。痔者成瘻未破也。宜服解毒清火調理氣血藥。漏有五種。  
一曰壯痔。二曰牝痔。三曰陽痔。四曰氣痔。五曰肛門痔。痔者肛門邊生瘻。腫突  
而出。淋漓也。陽痔者肛門內結核。有血寒熱往來。登廁脫肛也。氣痔者遇七情怒氣卽發。肛門腫痛。氣散卽消。又有酒痔。每遇醉酒卽發。卽腫痛流血。血痔者遇大便則血出不止。諸痔若久不愈。必至穿次爲漏矣。許玄扈口傳治痔煎藥方。用小茴香一錢。槐角子、玄參、黃柏、荆芥、苦參、白芍藥、當歸、生地、甘草、地榆、連翹各三錢。金銀花五錢。水二碗煎一碗。

食前服。○又方治痔瘡膿血內瀰者。用小茴香末一錢。黑白牽牛子取頭末三錢。用獐猪腰子一個剖開入藥。末在內線扎紙裹水濕灰火內煨熟去紙空心嚼吃。忌飲食半日。至已時腹中打下。先膿後血。毒氣出盡永不  
再發。○內托丸用小茴香五錢。黃耆白朮當歸白芍。茯苓熟地黃川芎各一兩。人參肉桂各五錢。煉蜜丸空心服外有熏洗方。并生肌散俱見馬齒莧下藥線方。見草烏下治痔漏只有一孔者。用此藥不過十日全愈。用小茴香一兩。白芷三兩。白朮一兩。三味共爲細末。鐵杓內鎔成餅。再炭火煅令烟盡。取出去火毒爲細末。用麪糊和爲錠成條插入漏內。並透裏痛  
四止每日用三次

一日縮而愈

羅勒。味辛。氣溫。微毒。可升。可降。陽也。入手足太陰。手足陽明經。

劉氏曰。羅勒。又名蘭香。菜。南北處處有之。有三種。一種似紫蘇葉。一種似生菜葉。一種葉大者極香。三種俱於三月種之。乃生。否則不生。嘗以魚腥水。米泔水。燒灌則香而茂。但不宜糞水也。宜瀟旁水側廣植之。饑年亦可濟用。其子褐色。如蜜七月收之。

○羅勒。調中和胃。消食去惡氣之藥也。按吳瑞本草云能辟飛尸。鬼疰。蠱毒。而李東垣治牙疼口臭。神功丸用此。但取其去惡氣而已。故飲膳正要云。與諸菜同食。味辛香。能辟腥氣。皆此意也。

○其子去目中翳障極驗。用羅勒子洗晒。每納一粒。人皆內閉目。少頃連膜而出。李灝湖謂取子試之水中。亦脹

太盜此子得濕卽脹。故能染惹膜障浮膜爾。然目中不可着一塵。而此子可納三五顆。亦不妨礙。此一異也。  
集方治汗出染衣黃如柏汁。此名黃汗。其證發熱汗出而渴。身體浮腫。此因出汗時受風冷水寒之氣。入于汗孔得之。宜服四仙散。用羅勒一錢桂枝三錢黃耆白芍藥各五錢水酒各一碗煎服。

菜部  
采滑類

齊菜味甘氣溫無毒。

吳氏曰：齊生野中處，處有之。其類有大小二種。小者莖扁，花葉亦小，味美，其最細者名沙齊也。大者根莖皆大而味稍苦。詩云：誰謂荼苦？其甘如薺。者是也。冬至後生苗，正二月起莖，五六寸，開細白花，整如一結英，如小萍，而有三角莢，內綿子，如寧龜子。四月收之。李氏曰：釋家取花嫩，嫩作桃燈枝可辟蚊蠅。謂之護生草。

○齊菜和中利五藏之藥也。蔡心吾曰：甄氏方取根葉燒灰，白湯調服二三錢治赤白久痢極効。作羹食亦利腸胃，解酒積去滯。而又能收飲浮氣也。花葉對生，整齊如一，故名齊。而又止齊一身之氣，故治痢去積滯不行者可通。久痢多行者可止。蓋取此齊之之義云。

蒲公英味甘氣寒無毒沉也降也入足少陰經。

李氏曰：蒲公英江之南北平澤地上。他處亦有嶺南絕無也。小科布地四散而生。一莖直上。莖端開花。色黃如金。形如單蒲而大。莖長三四寸。斷之有白汁。嫩苗可充蔬食。二月采花。三月采根。有紫花者名大丁草。又一種相類而無花者名地膽草。治療各別。三種俱能制未伏礦。

○蒲公英化熱毒解疔腫癰瘍之藥也。蘇氏方治婦人乳癰結核惡腫疔毒同忍冬藤用生酒煎服一睡即安真仙方也。

○集方治乳癰并一切惡毒未成一服卽消用蒲公英一

蘇氏方集正宗  
兩金銀花八錢當歸三錢瓜萎一箇連皮搗爛乳香沒藥各一錢五分甘草二錢酒水各二大碗煎碗半徐徐服。○治牙齒不堅固取蒲公英晒乾燒灰擦牙妙。

莧菜味甘氣寒性滑無毒

李氏曰。莧有數種。有赤白大小。家種野生之不同。並以三月發苗。四月刈其嫩葉。作羹食。如六月以後。老則味苦。不堪食也。謂細花成穗。穗中細子。扁而光黑。與青葙子。雞冠子各別。八九月收之。莧老者長四五尺。子生者北人呼爲蕪菁。柔莧細葉。殊比家莧更勝。水煮晒乾。亦可療癰。

○莧菜滑腸利結之藥也。陸平林曰。雲林方善治老人血枯氣結。大便不行。取金華鴨猪肉和莧菜煮食。卽潤澤可通。又婦人胎前食此。可令易產。產後大便閉滯不通。食此亦可潤腸胃。如胃腸不實。大便溏泄者勿食。有蠶鬚肉切豆大。以莧菜封裹埋土內一宿。蓋變成小蠶也。

馬齒莧味甘酸氣寒無毒。

李氏曰馬齒莧處處野生之柔莖布地細葉對生六七月開細黃花結小尖莢莢中細子如葶苈子初夏采其苗煮熟食可爲蔬食似莧而實非莧今以莧名者因其形類氣味與莧同也又名五行草其葉青梗赤花黃根白子黑也韓氏曰此有二種葉大者不堪用葉小者節間有木鎚簇生射有六兩至八兩者故方上采取別有法度伏砒結汞煮丹砂伏硫黃死雉黃制雖黃火硝水馬齒莧生水火形狀相似亦可汋食

○馬齒莧療三十六種風毒又散血消腫解毒利大腸滑胎氣通淋結之藥也味本甘酸而性頗滑利故孟氏方法去風涼血解毒利竅通淋蓋本於氣寒而性利也如脾胃虛寒與大便溏滑者勿用可也。

○集方治三十六種風毒結癰用馬齒莧百觔水三百觔煮爛取汁熬膏不時塗之○治小便腫痛用馬齒莧擣

爛傅之。○治產後血痢。小便不通。臍腹痛。用生馬齒莧四兩。擣汁三合。煎熬減半。和白蜜十餘匙。再煎百沸。早晚隔湯頓服。○治痔瘡初起。用馬齒莧水煮。和油醬食之。以湯熏洗。一月卽愈。○治老人虛人。產後婦人大便閉澀。不通。用馬齒莧煮熟。和油醬味食之。○治小便熱淋。用馬齒莧。擣汁一碗。空心溫和服。○治中疎欲死。

用馬齒莧。擣汁一升。飲。○治腹中有蟲。用馬齒莧一觔。水煮熟。調醋醬味食之。少頃白蟲盡出也。○治小兒臍爛。不瘥。用馬齒莧燒灰。研細傅之。并治牙疳臭爛。○治諸瘡。久不瘥。用馬齒莧晒乾。燒灰。掺之。○治毛蟲蜂蠭蟎人。赤漏不止。用馬齒莧擣爛塗之妙。○治筋骨疼痛。

不拘風濕寒氣及楊梅毒。并婦人月信病。用馬齒莧二  
觔。五加皮半觔。蒼朮四兩。俱搗爛。以水煎湯。洗擦單。隨  
用葱頭十個。生薑一兩。搗爛。泡湯二碗。服之。用綿被蓋  
取汗。立時痛止。○治脚氣浮腫。心腹脹滿。小便澀少。用  
馬齒莧煮粥食之。

洗痔漏神方。用馬齒莧。茄根。葱頭各十餘莖。艾葉五倍  
子。皮硝各三錢。花椒五十粒。右剉水煎。先薰後洗。當時  
痛止。○治痔瘡潰爛。敷藥可止。爛取濕。用馬齒莧晒乾  
燒灰一兩。輕粉二錢。寒水石煅。海螵蛸水煮過各五錢。  
共爲極細末。敷摻患處。外用單油粉膏藥貼。蓋可收口。

薯蕷又名味甘氣寒平無毒入手足太陰經。

別錄曰薯蕷生嵩山山谷吳氏曰今臨朐鍾山南廣蜀道北都四明山東江南懷慶諸處春取宿根以黃土和牛糞作畦種之苗長以竹稍作引高一二尺夏月頻灌之李氏曰入藥野生者爲勝供僕家種者爲良春生苗蔓延籬落葉莖叢葉葉有三尖似白牽牛葉更尾而光澤五六月開花成穗紅色結莢成簇三稜合成墨而無仁其子別結葉旁狀似雷丸大小不一皮色土黃內肉清自煮食甘滑春冬爭根生時鄰地如粉乾則內實不虛其色紫白如玉青黑者不堪入藥種植甚易截作薯蕷者亦生隨所并之密而像之也南中一種生山中根細如指極緊實利磨入湯煮之作塊不散味更甘美食之尤益於人勝於家種者江浙閩中一種根如蕷芋皮紫極大者重數觔煮食雖美但氣寒於北地者修治勿用平田生二三紀者須要山中生經十紀者其皮赤四面有鬚者良采得以銅刀刮去赤皮洗去涎再蒸過臘用。

○薯蕷養脾胃益心肺滋腎陰之藥也按方龍潭言甘能和脾甘能補肝甘能除大熱甘能益陰氣如六味丸所

以用此以滋陰也。如脾弱泄瀉。久痢腸滑。養脾如驚悸  
怔忡。健忘恍惚。益心如皮膚憔悴。乾咳無痰。益肺如夢  
泄。遺精。腰膝痠弱。滋陰如腎。必須此藥治之。甘涼而補。爲中  
正和平之用也。如東垣老人君參丸以補脾。君參麥以  
補肺。君參歸以補心。君參地以補肝。君參杞以補腎。無  
毒可以嘗服。使之乳製尤妙。婁全善曰。肺爲腎之上源  
既存滋流。豈無益如八味丸。所以用此以強陰而養  
陽也。又藥性論言。能補五勞七傷。作粉調食尤佳。

○集方治脾弱泄瀉及久痢腸滑不禁。用山藥四兩。人參、  
白朮各二兩。三味用淨土一錢研細拌炒。北五味子一  
兩。荳子肉二兩。俱炒燥研末。每服五錢。空心米湯調下。

○治驚悸怔忡。健忘恍惚。用山藥四兩。人參一兩。當歸  
身三兩。酸棗仁五兩。俱炒燥研末。煉蜜丸。梧子大。每服  
五錢。白湯送下。○治皮膚憔悴。乾咳無痰。用山藥四兩。  
人參一兩。麥門冬八兩。去心知母三兩。鼈甲二兩。湯泡  
洗淨。火燒醋淬。蓮子百粒。不去心。分作十劑。水煎服。○  
治夢泄遺精腰膝痠弱。用山藥四兩。人參一兩。枸杞六  
兩。懷生地牛膝木瓜杜仲。歲蕤各三兩。俱炒燥。牡蠣二  
兩。火燒共研末。煉蜜丸。梧子大。每服四錢。白湯下。

○續補集方治膀眼脣瘍。用山藥沙糖各等分。同搗塗上。  
卽消。先以乾麪水調塗四圍。乃上此藥。○治項後結核。  
或赤腫硬痛。用山藥二兩。草蘇子肉十個同研。傅貼卽

消。○治手足凍瘡。用山藥一兩研末。以豬肉湯調塗。  
治肺癰膿血。頻唾。咽乾口渴。面皮虛浮。用山藥。百合。薏  
苡仁。杏仁。川貝母。桑白皮。地骨皮。黃耆各三錢。枳殼。瓜  
薺仁。當歸。桔梗。甘草各一錢。水煎服。喘急加蘇子。

百合味甘苦氣平無毒入手足太陰手足厥陰手足陽明經。

別錄曰。百合生荊州山谷者良。今近道處處亦有之。李氏曰。二月生苗。一幹直起葉如竹葉而短。衆葉環列無旁枝。莖端開花長四五寸。有二種。一丹黃色。間紫黑。蕊點初開內拱如搗火早翻列如穗而不結子。別着葵蒂間赤碧如月根微苦頃亦轉甜。一純白如扇連莖傾側花瓣六出夜間發香清芬葉蒂間不着子。根肥而甘形如胡蒜重疊上條鱗二月入月采根陰乾用。

○百合養肺氣潤脾燥之藥也。張仰垣曰。此藥根色純白屬金。根形疊瓣似肺。故元素方治肺熱咳嗽吐膿血。骨蒸寒熱。別錄方治脾火燥結。大腸乾澀。四肢浮腫。胸腹臚脹。仲景方治五藏神氣內亂。驚駭顛狂。傷寒熱邪百合。行住坐臥不寧。大氏方治心下急脹。脚氣癰腫。相火

暴發諸疾。上上衆病。悉屬氣虛。而火邪病藏之證。百合力能安定。倘如中虛胃寒。泄瀉不食。爲脹爲咳。爲陰躁陽瀆。神散顛亂諸證。此藥無與力也。

參、生、熟、蜜、水、煎

○集方治肺熱咳嗽吐膿血。兼骨蒸寒熱者。用新鮮百合

八兩。配知母川貝母。天門冬。麥門冬。懷生地。薏苡仁。北

沙參各四兩。熬膏。煉蜜收。每早晚各服十餘匙。人參湯。

調服。○治脾熱便閉。火燥乾結。大小俱不利者。用新鮮

百合水煮爛。頻食妙。○治脾熱氣滯四肢浮腫。胸腹臚

脹。大小不通利者。方同上法。○治五藏神氣內亂驚駭

一顛狂。及傷寒熱邪。百合行住坐臥不寧。有四方。一方百

合。知母湯治傷寒。百合病。行住坐臥不定。如有鬼附狀。

已發汗者用百合七枚知母三兩水入碗煮取二碗服。  
一方百合雞子湯治百合病已經吐後者用百合七枚  
水五碗煮取三碗入雞子一箇青黃皆移入煮數沸服。  
一方百合代赭石湯治百合病已經下後者用百合七  
枚代赭石一兩滑石三兩水五碗煎取二碗服。一方百  
合地黃湯治百合病未經汗吐下者用百合七枚懷生  
地黃八兩水入碗煮取三碗服。○治傷寒寒之小治方百合病或變  
渴或變熱或變腹滿俱用百合四兩煎湯頻頻飲。○治  
相火暴發心下急脹或脚氣腫痛或癰疽腫痛用新鮮  
百合四兩搗汁和生白酒少許溫和服。取渣可傅腫痛  
處。○治瘍毒腫脹不穿用百合搗爛和食鹽少許傅之。

良○治天泡濕瘡用新鮮百合擣爛塗之。二日即安。

○治諸燥結大便不通。用百合一兩當歸、生地黃、火麻仁去殼各五錢。桃仁、杏仁俱去皮各三錢枳殼厚朴黃芩各二錢甘草八分水煎早晨服。

身熱煩渴大便不通者是熱閉也。本方酒煮大黃一錢久病元虛大便不通者是虛閉也。加熟地黃人參各二錢羊肉二兩因汗出過多大便不通者是津液枯竭而閉也。加麥門冬一兩人參二錢風證大便不通者是風閉也。加防風二錢蒺藜天麻枸杞子棗仁各五錢老人大便不通者是血氣枯燥而閉也。加熟地枸杞子各五錢膈脹和人乳或牛乳一錢虛弱人并產婦及失血大便不通者是血虛而閉也。加熟地黃一兩多食醇酒炙燉辛熱之物大便不通者是實熱火閉也。加黃連天花粉各二錢菜豆二合

菜部  
蔬菜類

苦壺盧味苦氣寒有毒。

李氏曰苦壺盧卽苦匏也。南北處處有之。詩云匏有旨葉。國語云苦匏不材於人其濟而已皆指苦壺盧而言也。風俗通云燒壞可以殺匏。或云畜匏之家。不復種瓜之矣。不共塗物性相畏也。蓀氏言服苦匏過分則利水埋孽淨無蠶翳者乃佳不爾有毒。

○苦壺盧行水之劫劑也。張龍泉曰前古治大水瀆肌肉中。面目四肢浮腫。以此煎水飲立消。故時賢諸方書用治黃疸脚氣及水腫不行之證。捷如桴鼓。如胃家實而能食者投之却當。倘胃虛不能食。脾元虧損而成水腫者。久病脾陽不運。而成腫滿者。候服立見危敗。

○集方治大水脹滿。頭面四肢腫大。用瑩淨好苦匏白瓢

捻如豆粒。以麩裹湯煮數沸。空心服七枚。至午卽出水

一斗。二日水出盡。大瘦乃瘥。須忌鹹味二年。○治通身

水腫。用苦匏膜二兩。苦葶藶一兩。俱炒燥研爲末。棗肉

丸如小豆大。每服五丸。白湯下。日二次。水下止後服。○

治黃疸。腫滿。用苦匏瓢如大棗許。以童子小便一合。浸

一時許。取兩棗核大。納兩鼻中。深吸氣待黃水出。愈。○

治努肉。血翳。遮睛。用小苦壺盧陰乾。於繫小處鋸斷。內

挖一小孔。如眼孔大。迺有此病。將眼皮上下。用手掙開。

將壺盧孔合定。初雖甚痛苦。然瘀肉血翳皆漸下。亦不

傷睛。○治九癰。有孔。用苦匏四枚。大如盞者。各穿一孔

如指大。湯煮十數沸。取一竹筒長五寸。一頭插匏孔中。

一頭注瘡孔上。冷卽易之。用數遍乃止。○治卒中蠭毒或吐血。或下血。如爛肝者。用苦匏一枚。水二升。煮一升服。立吐即愈。

○敗舊瓢味苦氣寒平無毒。

李氏曰。瓢乃壺匏破開作器用之。以苦瓠爲佳。年久尤妙。

○集方治中滿臍脹。方王宗。用三五年舊陳壺盧瓢一個。盛酒於炭火上炙熱浸之。如此炙浸半日。傾出酒。將瓢燒存性研末。每服二錢。仍將瓢內原酒調下。○治腋下瘤瘦。李氏。用瓢燒存性研細末。未破者茶蜜水調塗。陳舊壺盧瓢一個。燒存性研細末。未破者茶蜜水調塗。卽漸消去。已破爛者乾摻上。卽出水盡而愈。

絲瓜味甘氣寒性冷無毒沉也降也。

李氏曰絲瓜南北皆有二月下種生苗引蔓攀架其葉大如蜀葵而多尖丫有細毛刺取汁可染綠色其莖有穗六七月開黃花五出其結瓜長三寸許或有長二三尺者有棱路深綠色有皺點瓜頭如盤首嫩時去皮可充蔬老則大如杵筋絡纏紐如織綸霜乃枯惟可潔淨蒸盞器內研子狀如折枝子黑色而扁

○絲瓜涼血解熱利大小二便之藥也陳羽陵曰色綠象水味甘入脾質柔入腎性滑入大腸故本草諸方善止血痢出癥疹消熱痰通利二便亦取其質性冷滑而下氣降火耳如脾胃寒弱之人中年腎陽衰怯命門無火之證須禁食之。

○集方治腸風血痢并一切下血危篤不可救者用霜後

絲瓜燒存性爲細末槐花一錢人參八分煎湯調服

○治酒痢下血腹痛。如魚腦或五色者。用絲瓜一箇燒存性研末。空心白湯調服。○治痘瘡出不快。或初出或未出多者令少。少者令稀。用老絲瓜近蒂三寸連皮燒存性研細末。淡砂糖湯調服。○治風熱痰嗽。用老絲瓜一箇煎湯。頻頻飲之。○治大小二便熱結不通。用老絲瓜一箇甘草二錢木通三錢煎湯頻頻飲之。

○續補集方治坐板瘡。用老絲瓜搗爲末。燒酒調搽。○治天泡濕瘡。用絲瓜搗汁。調真鉛粉搽之。○治手足凍瘡。用老絲瓜搗末。臘猪油調搽。○治乳汁不通。用絲瓜連子燒存性研末。熟酒調服三錢。被覆取汗仰通。○治小腸氣痛。遠臍衝心者。用老絲瓜連蒂燒存性研末。每

三錢。熱酒調下。甚者不過三服。卽消。○治癬瘡。用絲瓜葉毛面擦之。○治牙宣露痛。用絲瓜藤一把。川椒五十粒。燈心百根。水煎濃汁。沴漱其痛。立止。○治腰痛。不李氏方止。用絲瓜根。搗爛五錢。酒煎服。立止。

葷辛類外有蒜頭、薺薹、菘菜、芥菜、蕪菁、蒔蘿、白花菜。○滑菜類外有菠稜、蕹菜、生菜、萐苣、蕨菜、水蕨、薇、苦甘露子、竹筍。○蓏菜類外有茄、冬瓜、南瓜、菜瓜、黃瓜、苦瓜。○水菜類外有紫菜、石蓴、石花菜、鹿角菜、龍鬚菜。○芝菜類外有木耳、杉菌、香蕈、葛花菜、磨茹草、雞棤、地耳、石耳。共三十六種。俱詳載食物本草中。

本草彙言卷之十七

錢塘 倪朱謨純宇甫選集 男倪洙龍沖之氏藏稿

沈公葉定白甫校正

姪沈九穀克全氏參閱

蟲部 邪生類

蜂蜜味甘氣寒性潤無毒沉也降也入手足太陰陽明經

按類書云蜜蜂一名窩蓬爾雅翼云蠻蠻似蠻而小工  
作蜜也山海經云叢城之上是蜂蜜之窟今木之蠻  
亦各有蜜北方地燥多在土中故多土蜜南方地濕多  
在木中故多木蜜又如杭之於潛縣及金陵懷安諸處  
山巒石壁中有巖蜜石蜜也今人家所畜之蜂小而微  
黃大率腹腹相衝如電婢也喜事此者以蜜木容數斛  
置蜂其中養之間小孔縱容出入宋嘉記云七八月中  
當有蜜峰羣過有一二小峰先飛竟止泊處人知輒置  
木桶以蜜塗桶內飛者聞蜜臭便舉羣悉至矣盧氏  
曰今人家養蜂或羣逸以百千萬數中有大者爲王羣  
蜂翼之從其所往人攻殺之多在穀雨春分時也蜂采  
取百花種種造蜜其房謂之蜜脾王之所居蠻積如亭

蜂無王則盡死。若臣之蠶生死不移也。一日兩出而聚  
鳴齊號爲兩衙。其出来花者。墮花鬚上。慢置兩衙。惟牡丹芍藥蘭蕙之粉。或負於背。或戴於首。如采無所得者。  
每當花開。一不敢歸。或攀援人。蜂亦尋死。故古稱蜂蠶  
有毒。近其房。則羣起攻人。寒冬無花。深藏房內。卽以蜜  
蜜爲食。春暖花朝。復出菴采矣。蘇氏曰。宛陵有黃連蜜  
色黃而味小苦。雍微間有梨花蜜。色如凝脂。亳州太清宮  
有檜花蜜。色小赤。相城縣有何首烏蜜。色更赤。各隨  
所采花色。性之溫涼。亦相近也。蜜臘之底。爲蠟。蠟雅云  
蠟生子蜜。而天下之味。莫易于蜜矣。淡于蠟。蓋厚于此  
者。必薄于蠟。理之固然也。西方之書曰。味如嚼蠟。舊說  
峰之化蜜。必取匣猪之水。注之蠟房。而後蜜成。故蠟者  
蜜之蠟也。方言云。其大而蜜謂之蠟峰。卽今黑蜂也。蠟  
亦蠟蜜。楚詞所謂赤蠟。若蠟。玄峰。若蠟者是也。李氏曰。  
試蜜真篋。以燒紅火箇。插人蜜中。提出。泄氣者爲真。起  
烟者爲偽。修治每涉蜜一觔。用木四兩入銀石器內。桑  
柴火慢煮。掠去浮沫。至滴水成珠不散。乃用。又法。以器  
盛。暗重湯中。一日候。滴水不散。取用方佳。日不傷火。  
也。孫思邈曰。七月勿食生蜜。今人暴下霍亂。味酸色青  
赤者。食之心煩。不可共患。及蒿苦同食。令人下利食蜜。  
飽後不可食蜜。令人暴泄。沈氏曰。四方之蜜。氣味當  
咸。閩粵少而蜜。諸花多熟。蜜雖則然。而蜜性濃。西蜜性

李時珍

○蜂蜜潤藏府。和營衛。通三焦燥火之藥也。陸平林曰。蜜  
蜂采百花精英。醞釀而成。得草木雨露清陰之氣。故味  
甘氣寒。性潤質柔。而利久藏不壞。草木之華水之精也。  
如前古主心腹邪結。及驚癇煩悶。甄氏主赤白痢疾。滯  
滯不通。日華子主腎陰虛燥。二便不行。諸證凡和百藥  
治衆病之因風。因火。因燥結者。用之甚佳。雖稱甘平補。  
益之劑。但寒滑潤下之勢居多。如胃寒食少者。脾寒作  
泄者。大腸氣虛。完穀不化者。嘔吐涎沫。及中滿腹脹者。  
俱不宜用。生者有毒。尤不宜食。與生葱萐同食。令人  
利下。亦能損人。

○集方治傷寒陽明病。自汗小便反利。大便硬者。津液內燥也。以蜜煎導之。用生蜜二合。銅器中微火煎之。候凝如飴狀。入水內乘熱捻作挺。令頭銳大如指頭。長寸半許。候硬納入穀道中。少頃即通也。○治心腹邪結及胃脘作痛者。用蜂蜜熬熟半盞。薑湯沖服。○治心虛內熱。以致驚癇煩悶者。用生蜂蜜滾湯調服五錢。○治赤白痢疾。脹滯不通。用白芍藥川黃連甘草大黃各一錢。五分白蜜十匙水煎服。○治產後口渴。用蜂蜜煉熟。白湯調服三錢。○治橫生難產。用蜂蜜麻油各半碗煎滾。白湯和服立下。○治一切惡毒疔腫。用生蜜少許同葱白膏塗。全患上一時。許則疔出後以醋湯洗去。

蜜蠟

俗名  
黃蠟

味甘淡氣溫無毒氣味俱薄陽也。

入足陽明經

陶隱居曰蠟生蜜中故謂蜜蠟蜂先以此爲蜜蠟取蜜時得之凍過瀝入水中候凝取之初時極香軟而白久則轉黃色矣如烊化內水中十餘遍亦轉白色外有一種白蠟係小蠟延樹吐舶凝結成此蜂蜜蠟不洞也

○蜜蠟

滌腸止痢托毒收斂之藥也。

李氏曰蠟蜜之凝結

於底者也與蜜同出一源而萬物之至味莫甘於蜜莫

淡於蠟蜜之氣味俱厚屬乎陰也故入脾蠟之氣味俱

薄屬乎陽也故入腸胃蜜性緩而質柔故潤藏府而利

大便蠟性嗇而質堅故吸膿解毒而止洩痢一類二物

有各異如此古人儉歲以此度饑但合太棗咀嚼卽易

爛也仲景方治痢有調氣飲子全方治痢有調血湯其

効甚捷但性本收滯治虛寒久痢者宜之倘暴痢火積

不淸者不宜用也。

○集方治赤白痢。

金匱要略

小腹痛不可忍。下重或面青手足俱變

者用黃蠟阿膠各三錢同溶化入黃連末一錢和熱湯

六盞攪勻分三次服立驗。

○治熱痢及婦人產後下痢。

用黃蠟阿膠各三錢同溶化入當歸末二錢和熱湯一

盞攪勻分三次服立驗。

○治諸瘡毒久爛膜血泄而瘡

口不欬用黃蠟一兩溶化將凝入枯礬細末三錢熬熟

香油數匙攪勻搗成細小丸子每服二錢毒在上食後

服在下食前服俱用熱酒送下。

○治陰飼瘡用黃蠟猪

油各一兩同溶化加鉛粉真珠冰片蛀竹屑俱研細末

葱白擣爛化各三錢同調入蠟油內用鵝羽蘸藥搽之。

○治內外癰瘡。用黃蠟一兩。猪油五錢同溶化。入孩兒

茶、鉛粉、龍骨、粉霜共研極細末。調入蠟油內作夾紙膏

貼之。

○治脚

上凍瘡。風裂疼痛。用黃蠟溶化塗入裂中。

○治犬咬瘻癰。用黃蠟溶化灌入瘻中。○治妊娠胎漏下血。用黃蠟五錢溶化。熱湯一碗。沖入即服立止。

### ○蜂子味甘氣平。微有毒。

周子曰：乃蜜蜂子也。食之者須用冬瓜生薑紫蘇制其

毒。

○按蜜蜂有大石木三種。俱能釀蜜。其子皆可食。以

充誤用。

外有胡蜂。較蜜蜂稍大。其色有黃黑二種。於人

家屋角上。結房小者如升。大者如斗。在山林大樹間者。

有大如巨鑄。其房孔數百層。土人采時。着草衣蔽身。以

捍其攢螯。復以烟火薰房。蜂母飛去。斷其蒂持歸入甕。

蒸熟。取出蜂子。計五六斗。或一石者。取出形如蠶蛹。瑩

白者。以薄鹽微淹。暴乾。京洛以爲方物。如翅足具者不

堪食矣。然胡蜂子皆可食。大抵治病功能以蜜蜂子性

殊亦不相遠也。外有一種七里蜂。黑頭鐵嘴。其窠如鵝

卵皮厚蒼黃色。只有一個蜂大如小燕子。其毒最猛。人馬被螫立死也。又一種蛤蜂出巴蛇在蛇穴內。其毒倍常。中人手足輒斷。中人心胸卽圮裂而死。非藥可療。故元真詩云。巴蛇蟠窟穴。穴下有巢蜂近樹禽垂翅。依山獸罿微遭斷手足。厚毒裂心胸。昔有

招魂客應憐

蛤蜂碎逢此胡蜂之毒。卿此

五

物

○蜂子去大風癩疾之藥也。聖濟總錄方治大風癩疾。用

諸攻毒藥。兼用蜂子。蓋亦足陽明太陰引經之劑。古人充餌品以進賓客。而本經別錄言能補虛羸。傷中諸證。

○集方治大風癩疾。鬚眉墮落。指節開裂。皮肉已爛成瘡者。用蜜蜂子五錢炒白花蛇、烏梢蛇、俱酒浸去皮骨。炙乾。全蝎、僵蠶、地龍去土蟹虎、赤足蜈蚣各十五枚。俱炒硃砂五錢雄黃三錢俱研極細末。冰片五分。共研勻。每服一錢蜜湯調下。日二次。

露蜂房味甘苦鹹性平有毒。

蘇氏曰。露蜂房懸山林大樹上。得風露者。其蜂黃黑色。長寸許。蟻人及牛馬皆至死。非人家屋下小蜂房也。小者如龜。如斗犬者如巨鐘。色淡黃。有層疊雲頭斑紋。其數百及千眼者。修眉剪翠。酒浸一宿。火上炙用。

○露蜂房驅風攻毒。散疔腫惡毒之藥也。梁心如曰。蜂性有毒。螫人則痛極欲死。以其得火氣之甚也。故蜂房係胡蜂吐沫結成。亦非良物。如別錄方治風痺腫痛。及附骨惡疽。內癰疔腫根在藏府。及歷節風疼。痛如虎咬。蓋取其以毒治毒之義云。若病屬氣血兩虛。無風毒外邪者。與瘻疽潰後元氣虛乏者。皆不宜服。

○集方治風痺手足腫痛。用蜂房一兩炒焦爲末。蒜肉五錢切片。醋浸七日。取出同蜂房擣傅患上。○治風蟲牙

痛用蜂房一塊。細辛一錢。煎湯漱之。○治重舌腫痛。

用蜂房白殼蟻各等分。俱炒燥爲末。酒調傅。○治疗腫惡

毒。用蜂房半枝連各等分。煎湯飲。○治附骨惡疽及歷

節風痛。用蜂房數兩。炒。搗末。酒調厚傅患<sup>上</sup>。○治小兒

頭上軟癩頻作用蜂房二兩切碎。搗末。巴豆肉二十粒。

香油內煎滾。俟豆枯浮。濾出清油。調蜂房末敷之。○治

頭上癬瘡。用蜂房搗末。臘豬油和塗之。立効。○治乳癰

內結。腫硬不散不潰。用蜂房五錢。炒水煎服。三四次愈

白僵蠶味甘鹹。辛氣平。無毒。氣味俱薄。浮而升。陽也。入足厥陰手太陰少陽經。

李氏曰：蠶蟲屬陽。喜燥惡濕。食而不飲。三眠二起。二十七日而老。自卵出而爲雌。自蟄脫而爲蠶。蠶而齧蘭而死。且不朽也。今市肆多用中濕死蠶。或川石灰末。亦西方畧少。北方則無矣。蠶病風死。其體直僵。其色白白。惟火焙乾淨布拭去黃皮者。研口用。搗細用。

○白僵蠶驅風痰。散風毒。解瘡腫之藥也。夏碧潭曰：僵蠶之病風者也。挺直屬木。色白屬金。得金木堅清之化。故善治一切風痰相火之疾。如前古之治小兒驚癇搐搦。恍惚夜啼。李氏方之治大人中風。痰閉閼絕。人事不省。或喉痺腫塞。水穀不通。或頭風齒痛。腮頰硬脹。或皮

膚風癢。斑沙疙瘩。或天行痘瘡。起發不透。或麻疹錯逆。  
隱約不紅。或痰癆癰塊。寒熱併作。凡諸風癆。氣火。風毒。  
熱毒。濁逆結滯不清之病。投之無有不應。蓋假其風氣。  
相感而用之也。繆氏仲曉曰。此藥性本清散。其功長於祛風。  
化痰。攻走經絡。散有餘之邪。凡大人中風失音。小兒驚  
癇夜啼。由於心虛神怯不寧。血虛經絡動急所致。而無  
外邪爲病者。忌之。

盧子繇先生曰。蠶。昆蟲也。食而不飲。三十日乃化。三眠  
三起。起如衛氣之出行陽道。眠如衛氣之入行陰道。三十  
日大眠。則衛氣已周。周則變而化。吐絲爲經矣。不化  
者。風自爲殼。故象形從治。內逆而爲驚癇夜啼。伏匿而

爲痰風喉閉齒痛煩硬外顯痘瘡之不明及皮膚風癰之欲蛻者此皆不能從蒸而變順之使出以從化也淮南子云蟬飲不食蠶食不飲飲滋經氣食益經隧咸從任督四布經絡變化相同功能亦一也

○集方治一切風痰喘嗽用白殼蠶七箇直白者薑汁調服。○治小兒驚風搐搦并臍風口噤氣促而聲不出者用白殼蠶搘稍天雄尖附子尖各一錢微炒爲末每服三分或五分以生薑湯調灌。○治小兒夜啼用白殼蠶一錢微炒爲末每服三分濃煎燈心湯化下。○治大人中風痰閉悶絕人事不省用白殼蠶一兩人參五錢俱微炒研細末生薑十片搗爛泡湯調服。○治喉痺腫塞

水穀不通。用白殼蠶五錢。膽星一錢五分。共研極細末。每服三分。薑汁和白湯少許。調灌。

此病

○治頭風齒痛。頸頰

硬脹。用白殼蠶一兩。薄荷葉生半夏。薑湯泡三次。荆芥

白芷。甘草各五錢。北細辛一錢五分。共研末。白湯調服。

三錢。○治皮膚風癩。斑沙疣瘡。用白殼蠶一兩。連翹。薄

荷。荆芥。川芎各五錢。白芷。羌活。黃柏各三錢。共研末。每

服三錢。燈心湯調服。○治天行痘瘡。起發不透。用白殼

蠶。蟬退。瑣瑣葡萄各二錢。紅花八分。水煎服。

○治麻疹錯逆。隱約不紅。用白殼蠶。蟬退各一錢。連翹。桔梗。黃芩

薄荷。天花粉。玄參。石膏。甘草各七分。水煎服。

○治瘻瘍癰塊不散。漸成寒熱往來者。用白殼蠶。真紫蘇葉各四

兩炒生半夏二兩切片薑汁拌炒玄胡索木香各一兩  
六錢共研細末。真阿膠五錢酒化成糊拌入藥內再加  
煮紅棗肉爲丸梧子大每服二錢酒下○治項上瘰癧  
用白僵蠶普濟方二兩炒研末每服一錢白湯調服日二次○  
治小兒普濟方龜病胸腹凸硬如磚用白僵蠶四兩炒研末用  
白馬屎一碗和拌晒燥再用半夏麯一兩研末打糊爲  
丸梧子大每服一錢白湯化下○治小兒鱗體皮膚如  
蛇皮鱗甲之狀由氣血否滯亦屬胎毒用白僵蠶一觔  
蛇蛻四兩共爲末夏月每日取一撮煎湯浴之  
○晚蠶沙味甘氣溫無毒可升可降可行可散入手少陽  
足太陰經

蘇氏曰：蠶沙，即蠶屎也。以晚蠶者良。李氏曰。  
須晒燥用清酒淘淨。再晒燥可久。收不壞。

○晚蠶沙祛風暖血之藥也。陸杏園曰：藏器方治緩風皮膚麻木。手足不隨。腰脚痺軟。兼治婦人血閉不通。或癥結腹痛。以此浸酒飲極効。又按陶隱居云：蠶屬火。其性陽。能勝風去濕。故蠶沙主療風濕痺證。能活血舒筋。去瘀行滯。不但去風濕而已也。繆氏曰：如癱緩筋骨不隨。由於血虛不能榮養經絡。而無風濕外邪侵犯者不服。○東鄉老人曰：蠶神蟲也。卵育紙上。遇冬用食鹽淹拌蠶紙一層。鋪墊一層。置露屋上。一月收藏。而春後始能發生。亦奇物矣。蠶蟻性淫。出繭卽媾。至於枯敗乃已。別錄方言。強陽道益精氣。暖水藏益本於此意。

○集方治緩風皮膚麻木。手足不隨，腰脚癱軟。又治婦人血閉。經脈不通。或癥瘕。血結腹痛。用晚蠶沙一觔。炒黃。浸酒十壺。每日早晚。隨量飲數杯。其渣濾乾。再炒燥。用布包。熨摸痛處。應効甚捷。

九香蟲味甘鹹氣溫無毒。

李氏曰。九香蟲產貴州永寧衛赤水河中大如小指頭。身青黑色至冬伏石下取之。性驚蟄後卽飛出不可用。

○九香蟲補脾胃壯元陽通膈胱滯氣之藥也。陸杏園曰。按攝生方烏龍丸治上件諸證。久服益人妙在此蟲之力也。

五倍子味苦酸性燥溫氣平無毒氣薄味厚飲也陰也入手太陰足陽明經

馬氏曰。五倍子在處有之。蘇氏曰。當以蜀中爲勝。李氏曰。樹名麻木。生叢林中。本才俱青六七月有小蟲如蟻食其樹葉。老則遺種。結小穗子。于葉間正如點綴之作雀鵝蠟蟲之作蠍子也。初起甚小。漸長如菱或大如拳形狀圓長不等。嫩時青綠老則黃褐色。綫于枝葉間宛若結成。其殼中空堅而且脆。內有細蟲如蠍蠍土人謂之前采。蒸過貨之。否則蟲必穿破而殺孽。且腐矣。工造爲百藥煎。以療兒色大爲時用。他樹亦有此蟲者。不入藥用。木惟殊也。

○五倍子潤津收液飲氣止血之藥也。周憶齋曰。此藥結球葉底。小則如黍。如粟。大則如菱。如栗。故名五倍子也。似蟲卵而不屬蟲卵。似果實而不屬果實。此屬假木氣以賦形者矣。如開寶方治齒宣疳蟲。口舌生瘡。是飲而

去浮腐之氣也。治濕癬癩瘻。膿水溼漬。是飲而去濕熱之氣也。時珍方。去赤眼濕爛。水濁賅膜。是飲而去火鬱之氣也。治頑痰留滯。咳嗽頻發。是飲而升其清。降其濁也。如寇氏方之消五痔下血。摻之即愈。藏器方之治腸虛泄利。投之即止。又如日華子之開喉痺。止自汗。化酒積。收脫肛。止欬嗽。生津液者。亦飲而收之。飲而降之。飲而止之。飲而聚之。之意也。然而味之酸澀。質之堅脆。性之燥齎。如咳嗽。由於風寒外感。宜散。不宜飲也。咳嗽由於肺火壅閉。宜清。不宜飲也。瀉利由於食積停滯。宜導。不宜飲也。瀉利由於濕熱痞滿。宜通。不宜飲也。若悞服之。反致壅塞喘脹。以其酸飲太驟。火氣無從發越故也。

如勞損陰虛，咳嗽動血之證，亦不宜用。謂其性燥，能燥肺系故也。觀染家作皂色，必需此用。然絲布服之未久，必致碎裂可見。

○集方治齒牙宣露。疳蟲作臭爛者，或小兒走馬牙疳者。

用五倍子炒焦一兩，枯白芩、銅青各一錢，爲極細末。先

以髮簪用米泔溫水漱淨，摻之。○治濕癬癰瘡，膿水淫

漬用五倍子炒焦，枯白芩各等分研細末，猪油調搽。○

治赤眼濕爛，水淚多眵，或有胬肉翻出。用五倍子二錢，

打碎銅青三分研碎，川黃連五分同滾湯泡出藥味，以

軟帛蘸洗一日二次。○治頑癥，留滯咳嗽頻發者，用五

倍子三錢，川貝母二錢，五味子一錢共研細末，煉蜜丸。

彈子大夜臥時口中含化。○治五痔及藏風下血用五

倍子一兩。枯白礬三錢共研極細末。煉蜜丸。每早服二

錢。自湯下。如五痔下血外用此藥傅上。或煎湯薰洗亦

可。○治腸虛泄利久不止用五倍子五味子各一兩。白

朮補骨脂骨碎補各二兩。丁香五錢俱炒燥爲末。飴糖

丸。梧子大。每早服三錢。米湯下。○治喉痺腫塞不通用

五倍子三錢。杏仁霜二錢。硼砂。膽礬各一錢。共爲細末。

吹入喉間。吐痰即通。○治自汗盜汗不止用五倍子研

末。米湯調填脣中。縛定一夜即止。○治酒積作痛作泄

多在食後發者用五倍子。甘草。陳皮各一兩。共爲末。每

早服二錢。用海螵蛸一塊。煎湯調服。○治肛脫不收用

五倍子煎湯溫浸用軟帛輕輕托上卽收虛人用人參

一錢煎湯服

○治行路作勞之人口渴少津用五倍子

上用五倍子

五味子人參各三錢爲極細末煉蜜和丸彈子大隨時

噙口內卽生聚津液

宗氏方

○續補集方治暑月水泄用五倍子研末飯丸黃豆大每

服三十丸荷葉煎湯送下○治孕婦漏胎用五倍子炒

研末酒服二錢立効○治耳瘡腫痛用五倍子炒黃研

末冷水調塗濕則乾瘳○治牙縫出血不止用五倍子

炒焦研末傅之○治天行口瘡用五倍子黃柏各等分

研末摻之○治魚口便毒初起未成膿者用五倍子炒

黃研末以米醋調塗患處一日夜卽消○治頭上熱瘡

上生方

及風濕諸毒。用五倍子、白芷、各等分。炒黃研末，摻之臘水卽乾。如乾者以香油調塗。上○治諸瘡久不收口。用五倍子焙燥研末，以米醋調塗瘡口四圍，離瘡數分。上○治鳥鬚髮用五倍子製方見金石部紅銅條下。

○百藥煎味酸鹹甘氣平無毒。

陳氏曰。用五倍子鮮者十觔。搗細如乾者亦可。配真茶葉一觔。甘草桔梗各八兩。俱焙燥研爲細末。和入五倍子末內。再搗匀。入真醇水五觔和匀。裝入缸用石壓實。七日後取出。再搗再壓。計搗壓共七次。計四十九日。捏作餅。用乾用。

○百藥煎治病功能與五倍子同。但經釀造其體輕虛。其性浮收。且味帶甘。專治上焦心肺痰嗽。熱渴諸病。較之五倍子更精妙。煉蜜和丸。入日含化數分更善。

桑螵蛸味甘氣平無毒氣薄味厚陰也入足少陰太陽經

萬懸居曰桑螵蛸蟻子也李氏曰蟻卿馬首齊首長  
頭大腹二手四足兩臂如斧善緣而捷以蟻代食喜食  
人髮能騎桑捕蟬深秋乳子作房粘着枝上房名螵蛸  
者狀輕駭如鉤也內重重有隔房每房有子如蛆卵至  
若種節後一齊俱出故月令有云仲夏蟻卿生也  
蟻卿逢樹便產以桑上爲巢兼得桑皮之津氣也

○桑螵蛸通血閉利五淋行小便止遺溺之藥也張盛吾

曰此藥得秋金之陰氣而生兼得桑木之津氣而成又  
遇芒種火令當時而生故古主通血閉經阻腰痛若  
五淋便閉遺溺若病瘕遺精白濁凡屬肝腎胞絡相火  
鬱逆血氣不和諸證用之立應

○集方治婦人血閉腰痛用桑螵蛸三十枚炒研末酒調

服○治五淋澀痛不通用桑螵蛸炒黃三十枚研末車

前子煎湯服。○治小便不通。用桑螵蛸三十枚炒黃研末。黃芩湯調服。○治婦人遺尿。全蜀王氏方用桑螵蛸酒洗炒黃龍骨各三錢共爲末。每服二錢。牡蠣煎湯調服。如妊娠遺尿。用米湯調服。如產後遺尿。用益母葉煎湯調服。○治男婦癥瘕作痛。用桑螵蛸一兩。小茴香一兩。二錢共研末。每服一錢。花椒湯調服。○治遺精或白濁。用桑螵蛸一兩炒黃研末。每服二錢。空心白湯調服。

蟲白蠟味甘氣溫無毒

李天曰：蟲白蠟產四川瀘州、滇南、閩嶺、暹越、東南諸邦皆有之。以川、滇、衡永產者為勝。其樹枝葉狀類冬青，時下潤。五月開白花成叢，結實紫紫，大如蔓制子。生青紫，若冬青樹子則紅色少異也。其蟲大如蟻虱，芒稚後則延緣樹枝食汁，吐涎粘着樹之嫩莖化為白脂，乃結成塊，狀如凝霜處暑後即死灰之，謂之蠟渣。過白露節，粘實難刮矣。其渣煉化，慮淨或瓶中蒸化，瀝下磁器中，待凝成塊，即為蠟也。其蟲幾時白色，吐涎作蠟，老則赤黑色，乃結苞於樹枝初，若未大入春漸長，大如雞頭子，紫赤色，緊裹抱枝，宛若樹之結實也。蓋蟲將遺卵作房，正如雀鵠桑螵蛸之類，俗呼為蠟子。白如細蠟，一包數百，次年立夏日摘下，以箬葉包之，分繫各樹，甚種後，苞折卵化，蟲挺出葉底，復上樹吐蠟也。樹下要潔淨，最防蠍蟲食其蠟蟲，又有木樨樹葉微似榆，亦可放蟲生蠟，又有甜楊樹亦可產蠟。又按類書云：唐宋以前，澆屬入藥，所用皆蜜峰蠟也。此蟲自元時人始製造，用之今則為日用物矣。

○蟲白蠟止血生肌肉之藥也。朱丹溪曰：此藥色白屬金。

稟受收斂堅凝之質爲外科要藥與合歡皮同入膏藥  
料中爲止痛生肌長肉斂口之要劑古方入丸散用能  
殺瘻蟲

○集方杖丹長肉方用白蠟黃蠟各二兩黃連一兩以猪  
油一觔熬黃連轉黑色浮起去渣入二蠟收之每遇是  
患用軟帛攤貼紮緊自愈

# 雀癭味甘氣平有毒

商隱居曰：雀癭名鵝鴨子，大小如蠶，身背上有五色斑  
狀，如碎硃文，可愛也。遍身四面皆有毛，能刺人。老者  
日中吐白升凝聚漸硬，細數形如巴豆。本生樹上，惟石  
榴樹上尤多。殼中成蠶，如蠶之在繭也。夏月羽化而出。  
故子如蟄人以毛刺人肉內癰  
痛用新絲綿搗之，毛刺即出。

## ○雀癭子治小兒急慢驚風并脣風散口之藥也

○集方治小兒急慢驚風，口眼喎斜，搐搦痰盛。用雀癭殼  
三枚去殼取汁，全蠶五枚，硃砂研細一錢，再共研勻，飯  
丸，粟米大，每服三四丸，薑湯下。○治小兒脣風，口噤。用  
雀癭子五枚，取汁，蜈蚣一條，燒存性，取汁和勻，分服二  
分，乳汁調服。一方加真鉛粉一分。

樗雞

又名紅娘子。

味苦辛氣平有小毒入足厥陰經

蘇氏曰紅娘子出岐州今汴洛尤多形類蠶蛾李氏曰  
椿即臭椿也此物初生頭方而扁尖喙向下六足重翼  
黑色及長則能飛外翼灰黃有斑點內翅五色相間  
居毒樹上布置成行秋深生子六七月嫩葉暴乾用

○紅娘子通血閉行瘀血破胎孕之藥也陶隱居曰此藥性味猛厲爲蟲類之最酷者方藥稀用惟通經墮胎草澤醫往往以此私利戴氏曰近世用治瘰癧結核及風狗咬傷并一切穢污淫毒用此見効與芫青斑蝥同用亦是活血散結之義也何前人集神農本經謂爲益精強志生子補中之說欺世害民莫此爲甚豈仁人濟世之書哉

○集方治瘰癧結核用紅娘子十四枚乳香一錢黃丹一

錢砒霜硝砂各六分糯米粥和作餅貼之。不過一月其核自脫下。外貼長肉膏藥。○治風狗咬傷用紅娘子三箇。斑蝥五箇。並去翅足。乳香沉香桔梗各五分。共爲末。十歲者作四服。十五歲作三服。二十歲作二服。三十歲作一服。用豆腐漿食前調下。○治橫痃便毒用紅娘子六箇。去翅足取雞子一箇。開小孔入紅娘子於內。飯鍋上蒸熟。去紅娘子只食雞子。以酒過下。小便淋瀝出膿血即愈。

斑蝥味辛氣平有毒

韓氏曰：斑蝥所在皆有之。閻氏曰：此一蟲有四變，二三月在芫花上呼爲芫青，四五六年在葛花上呼爲萬上亭長，七八九月在豆花上呼爲斑蝥，十月十一月復還地蠅，呼爲地蠅。按芫青嘴尖身青綠色，背上有一點黃葛上亭長頭赤身黑，額上有一點大紅色。斑蝥形如巴豆，背上有一點黃，一畫黑，又有黃黑斑點，嘴尖，尖處有一小赤點，地蠅冬月入蟻在地中或墻石內狀如大螞蟻，頭黑尾赤者，因蟻乃是同一類，但隨時隨寓變狀耳。且治療亦相同也。兩日地界分之。芫青處處皆有，惟寧州者上葛上亭長處處皆有，出雍州者良。斑蝥處處皆有，出河東河內山谷者妙。地蠅處處皆有，出汝山極梁州者佳。

斑蝥化瘰癧，托鼠瘻，爛疥癬，墮胎娠，通淋閉，潰死肌解狂犬咬，以毒攻毒之藥也。李氏曰：此藥專主走泄下竅而潰化筋膜死肌，故瘰癧鼠瘻癩潰淋結不通諸證用之。且瘰癧有根，使之拔出，瘻癩使之攻潰，淋結使之直。

至精漏之處。或如魚晴出。或如粉片出。或如翳膜出。或如血塊出。或如爛肉出。或如膠膿出。皆其驗也。但毒之在小便。必澀痛不可忍。當以木通、滑石、燈心、甘草、川黃連煎湯導之。倘用之不善。如潰傷肌肉。攻害藏府。崩敗血氣爲禍。有不可勝言者。宜詳慎用之可也。

○集方治療癰連串。卷之九用斑蝥一百箇。去翅足巴豆肉三顆。去殼研去油。蜜陀僧一兩。火燒郁李仁肉三兩。共研極細末。麯糊爲丸。如粟米大。每大人三分。童子二分。俱食後白湯吞下。日二次。未潰卽消。已潰卽收斂矣。治多年癰瘡服法同。○治多年頑癰。用斑蝥十個。微炒爲末。蜜調敷一次。卽退。○治經閉有娠。不欲生育者。用斑蝥三

個。微炒研末。粥飲爲丸。清晨白湯吞下。卽下。○治癰毒  
內脹。小便淋閉不通。用斑蝥三個去翅足微炒研末。白  
湯調服。○治癰毒內潰外不破。或破而內膿不出。用斑  
蝥爲末。以蒜肉一片搗膏。拌和如豆許。貼毒上少頃膿  
出。卽去藥。○治便毒。不拘已成未成。用斑蝥三個去翅  
足。炒滑石三錢同研分作三服。空心白湯下之。一服毒  
從小便出。卽消散。如小便痛澁者。以車前木通澤瀉甘  
草各一錢水煎服。○治風狗咬傷垂死者。用斑蝥三七  
箇去翅足。用糯米一勺。拌斑蝥七個。畧炒微黃。去斑蝥  
米焦青烟起爲度。去斑蝥。只以焦米研細。用冷水調入

清油五六匙攬勻服之以小便利下毒物爲度如不利  
再如法製炒服如利後肚疼者用冷水調龍青一塊服  
卽解其毒或煎川黃連一錢冷服亦解否則有傷人一  
晝夜不宜飲一切熱湯酒也

全蠶味辛甘氣平。有毒入足厥陰經。

馬氏曰：蠶出青州諸北路。山石中及人家屋舍板壁牆堵處，南地絕無形如蠍，兩嵌有六足，尾長有節，其色青，生子色白如稻粒，多貯于背，全用謂之全蠶，用

尾謂之蠶青，其身亦有青色，以本草合之，則非

○全蠶攻風痰風

也。陸平林曰：此物產於東方，色

青尾長，乃肝木之屬，爲厥陰之用，故開寶方主小兒驚風搐搦，痰涎壅盛，或牛、馬、猪、羊、雞、五般癇證，或大人中風口眼喎斜，或頭風眩痛，耳鳴耳聾，或便毒，積痃，風毒癰瘍，或遍身風癩，皮膚如鱗甲雲斑諸證，咸宜用之。乃辛烈攻走之性，爲能祛風逐邪，兼引諸風藥入達病所，如氣血兩虛，似中風證，及小白慢驚，慢脾風病，咸忌之。

○集方治小兒初生，斷臍洗浴，日風入臍，以致唇青口撮。

出自沫。不乳者。名曰癲風。用全蠶三個。微炒研末。入麝香一釐。生薑湯調服一分。○治小兒驚風。或胎驚天釣。或五般癇證。用全蠶二十個。以石榴同上剜空。納蠶子中。以頂蓋紙糊。微火炙燒存性。取中間焦者。入硃砂五分。麝香冰片各五釐。研勻。每遇發音者。取一二分。或乳汁調。或生薑湯調服。如大人中風。口眼斜。或頭風眩痛。耳鳴。暴聾。皆可醫治。可用五分。○治便毒。瘍疽。或風毒癰癧。或遍身風癩。皮膚如鱗甲雲石。風癬諸證。用全蠶一百枚。甘草五錢。俱微炒研末。每服七分。溫酒調服。服半月。卽愈。○治小腸疝氣。用全蠶十四枚。胡蘆巴五錢。俱微炒研末。每服一錢。溫酒調服。○治偏正頭風。痛不可忍。用

全鑒二十一個白頸蛇、六條蝮蛇、五個俱鵝膽五倍子、五錢爲末酒調貼痛處。○治久瘧經年不愈用全鑒四十九個白朮二兩俱微炒好黃土三錢炒紅共研末飯丸梧子大每服一錢清晨生薑湯送下。

續補方。治男婦老幼腹中蟲積。歲時常發。用全蝎二十枚。

炒燥研末。配白牽牛末五錢。遇發時每服一錢。若

濃溫茶調下。○治小兒吐瀉不止。作慢驚風。疲困昏沉。

默默不食用。全蝎二個。白附子。殼蠶。天麻。木香各五分。

甘草。白茯苓。白芍藥各一錢。人參。白朮。黃耆各二錢。生

薑三片。黑棗五個。炒黃米三錢。水煎服。○治小兒卒中

惡毒心腹刺痛。悶亂欲死。并驚風天吊。全蝎三錢。天麻。

鈎藤。犀角屑。羚羊角屑。甘草。降真香。沉香。鬼臼。茯苓。各

五錢。雄黃三錢。麝香五分。共爲細末。煉蜜丸。芡實大。每

服一丸。生薑湯化下。

酒煮爛。搗成膏。和前藥再加煉蜜少許。爲丸梧子大。每早晚各服三錢。溫酒下。○治諸惡獸傷人成瘡。用蟬螬不拘多少。搗爛塗之。

蟬味甘鹹氣寒無毒可升可降入手太陰足厥陰經。

李氏曰。蟬。謂蜩與名。夏月始生。自蟻螬腹育轉相變化。昏夜出土中。折裂殼背而出。亦有蟻娘轉丸化生者。俱形大而黑。方首廣頭兩翼六足。五月始鳴。其鳴以鳴吸。夙飲露漸而不糞。三十日而死也。古人多食之。夜以火取謂之燶蟬。入藥。古人用身。今人用蟬。大抵藏府經絡宜用身。皮膚瘡瘍宜用蟬。物各從其類也。又按陶隱居曰。按禮記云。仲夏蟬始鳴。卽此蟬是也。蟬多息楊柳齒上。蟬者蟬聲也。蟬者變化相禪也。其類甚多。惟蟬一物。入藥用其外。有蠅蟬。寒蟬。蠅馬。蜩寒蟬之名。如形小而色青紫。已入月鳴者。蠅蟬也。九十月鳴而聲甚淒急者。寒蟬也。二月中鳴似寒蟬。而形更小者。蠅母也。俱不入藥用。

蟬蛻祛肝經風熱。風毒之藥也。門吉士曰。蟬稟水土之

濁氣化而成形。又得風露之清氣動而飛鳴所主所用。純乎厥陰肝木之應兆。故藥性論專主小兒驚癇夜啼。壯熱風搐。或天吊口噤。瘡疹不起。兼主大人頭風眩運。目昏翳障。或皮膚瘡疥。癰癤痛痒。已上餘證。皆屬風火。風痰爲眚者。必假此清空輕達之劑。以解而散之。發之。出之也。別錄方。又治婦人生子不下。或胎下而胞衣不落。藉此清虛善脫之物。而治胎產血穢未離之疾。蓋以已脫而治未脫之義也。

繆仲醇先生曰。蚱蜢。稟水土之精。風露之氣。其鳴清響。能發音聲。其體輕淨。能出瘡疹。其味鹹寒。能解風熱。其性善脫。能脫翳障。及女子胎胞不下也。

○集方治小兒驚癇夜啼用蚱蟬蛻四十九個去前截用後截微炒爲細末每服五分鈎藤一錢煎湯調下如壯熱發搐薄荷一錢煎湯調下天鈎口噤全蠶一錢煎湯調下瘡疹不起葱頭麻黃一錢煎湯調下○治大人頭風眩暉用蚱蟬蛻一百二十個去後截用前截微炒爲細末每服一錢二分防風二錢煎湯調下目翳昏障木賊一錢煎湯調下皮膚瘡疹癰癧癰癢用蚱蟬蛻前後截通用微炒爲細末每服一錢二分金銀花三錢煎湯調下如婦人胎胞不下用乳香沒藥川芎當歸益母草各二錢煎湯調下

○續補集方治破傷風用蚱蟬蛻一兩炒研爲細末每早

晚各服一錢白酒調下。外用葱數株研爛取涎調蟬蛻

末塗破傷處卽時出惡水立効。○治痘瘡作瘻取

蛻止身癰用上截下身癰用下截通身癰通身用和甘

草等分微炒爲細末取梅樹嫩葉煎湯調搽。○治痘後

目翳用蚱蠅蟬蛻通身用三錢和羊肝煮熟取羊肝食之。

○治小兒無故陰腫用蚱蟬蛻五錢取下半截煎水洗

或微炒爲細末白酒調搽。○治大人目盲翳障用蚱蟬

蛻土截一兩蜜蒙花白蒺藜草決明穀精草甘菊花懷

生地女貞實各一兩五錢俱用酒洗炒研爲末每服二

錢臨臥泡肚用熟羊肝蘸食。○治小兒風熱卒時急驚

癇病取蚱蟬蛻通身用一兩全蠍伏神僵蠍鈎藤各七

錢俱微炒。研爲細末。配硃砂。天竺黃。犀角。琥珀。各三錢。俱研極細末。真牛黃三分。同前藥末。總研勻。再用膽星二兩。研末。打糊爲丸。如龍眼核大。填金箔爲衣。每服一

丸。燈心生薑泡湯調下。○治痘瘡血熱出不快。取蚱蟬

蛻通身用。三錢。犀角生地黃。紫草。連翹。金銀花。各二錢。

甘草一錢。水煎服。○治小兒癰癧出不透。同上取蚱蟬蛻通

身用。三錢。石膏。鼠黏子。西河柳。薄荷葉。玄參。甘草。乾葛。桔梗。前胡。各二錢。水煎服。

蟬花味甘氣寒無毒。卽蚱蟬之頭上有一角。如花冠狀。入藥較之蛻更奇。禮記所謂蟬而有綾者是也。綾冠纓也。蘇氏曰。蟬花出蜀中。

○治一切耳痛。用蟬脫石菖蒲各三錢水煎服。○耳者腎之竅。心氣亦相通也。腎虛則耳鳴。耳聾加生熟地黃當歸白朮酸棗仁石菖蒲。耳暴聾者。肝熱氣閉也。加當歸白芍石菖蒲龍膽草柴胡耳聾而頭眩目花者。色慾動相火也。加生熟地黃枸杞子黃柏知母山藥兩耳腫痛者。肝腎有風熱也。加荆芥防風連翹柴胡白芷黃芩兩耳漬膿不乾者。肝腎有火鬱也。加黑山梔白芍藥黃柏白芷。久潰不斂加桂枝黃耆白芍藥外用吹耳散。治兩耳濕爛方見龍骨條下。

○螻蛄味鹹氣寒有小毒。

李氏曰：螻蛄處處有之。穴地居築壞濕土而生。有短翅四足。立夏後至夜則鳴。聲如蚯蚓。月令四月螻蟲鳴。此也。雄者善鳴而飛。雌者腹大羽少。不善飛翔。吸風食土。喜就燈火。或云火燒地赤。置螻蛄於上。任其跳死覆者雄。仰者雌也。入藥

用雄更妙去翅足。

典故

林

○螻蛄行水道利大小便之藥也。顧汝琳曰：此得濕土穢壤化生。性善鑽利。故本草專主水藏壅逆。水道不通。二便閉脹欲死。或水氣泛溢。致成水腫脹滿。腹大如臌。面浮喘急。不得臥者。服此停水大行脹消喘定。但此物攻利甚急。虛人忌用。必不得已用此。中病即止。水行之後。宜大劑補養藥投之。庶無後患也。

○集方治十種水病。腹脹喘促不得臥。以螻蛄五枚焙乾。

本草

卷之三

典故

林

爲末。食前白湯服一錢。小便利爲効。楊氏加甘遂末一錢。商陸汁一匙。取下水爲効。忌鹽一百日。○治噵鼻消水。面浮甚者。用蠟蟎一個。輕粉二分半。爲末。每噙少許。入鼻內。黃水出盡。爲妙。○治小便不通。用大蠟蟎二枚。取小體者。搗爛。以白湯一盞。調飲。須臾卽通。○治大小便閉。經月欲死者。用蠟蟎五枚。瓦上焙焦。爲末。以白湯調飲。一服神效。○治胞衣不下。因極腹脹。則發人。用蠟蟎三枚。水煮二十沸。瀝下。喉卽出也。

血周歲不行。用蠟蟎二個。搗爛。綿子裹塞陰戶內。一日卽通。

蟻蠅味鹹氣寒有毒沉也陰也入手足陽明足厥陰經

別錄曰。蟻蠅生長沙池澤。其類有三四種。以大而頭高者目深。背有玄甲者爲真。李氏曰。以土包糞。幹而滅丸。雄曳雌推。置於坎中。覆之而去。數日後。小蟻蠅罕孔于中也。腹翼下有小黃子。附母而飛。晝伏夜出。見燈光則來。狐喜食之。宜入藥用。小者身黑而暗。晝飛夜伏者。不堪用。修治。五月五日敗之良。瀝用去足火炙乾用。

○蟻蠅去奔豚瘕積之藥也。梁心如曰。此物稟水濕陰垢糞土之氣而生。吐唾推弄成丸。化生之物也。故農皇主

奔豚瘕積。緣血氣留據而成病者。假此氣化爲形之物。而治氣化搏結者。投之立解。如別錄方之塞下一部。引出痔蟲。日華方之傳惡瘡。拔呼疔毒藏器方之行血墮胎。李時珍方之化鼻中息肉。小兒重舌諸證。皆取其鹹能軟堅。毒能攻毒。化生以成形。而治化生以成病者。如奔

豚癥積，痔蟲疔毒，息肉重舌，自消解矣。繆氏曰：此藥外用易臻厥功，內服非虛人所宜。有毒故也，非不得已勿輕試。

○集方治奔豚癥積，舉發不常者。用蟻蟎三枚，去翅足火

炙乾爲末，酒調服。

○治五痔

同上

有蟲者。用蟻蟎搗爛塞穀

道痔旁，引蟲盡出。痔永瘥。

○治一

廣科

切惡瘡疔毒，忽得人

不識者。用蟻蟎搗汁塗之。

○治疗瘡欲死

同上

用蟻蟎心在腹下度取之。

半日再換貼。血散疔自出，卽愈。蟻蟎心在腹下度取之。

其肉稍白是也。

○治鼻中息肉，并小兒重舌

同上

用蟻蟎三

箇，炙乾爲末，入冰片五厘研細傅之，卽消。

○治腸漏出

同上

水，用蟻蟎十枚，陰乾，入冰片少許研細末，用紙燃薰末。

水，用蟻蟎十枚，陰乾，入冰片少許研細末，用紙燃薰末。

入孔內。漸漸生肉。藥自退出。卽愈不拘蜂癩。鼠癩。亦可用此。○治轉胞千金方大小不通。欲死。用蟻鈞炙乾爲末。白湯

調服立通。

萬病回春

治氣隔臌脹。并翻胃噎食。用土桑一個。卽蟻鈞所滾之彈丸。凡糞土之下。皆有用彈中有白蟲者。如指大如蟠螬一樣。將彈丸少破一點。仍蓋住。用火煅過大黃色存性。不要燒焦。再配孩兒茶二分。金絲黃簪三分。麝香一分。朱砂四分。將土彈共四味藥一併總研爲極細末。燒酒調空心服。如覺饑。用稀爛薄米粥漸漸少進。一日二次。不可多吃。一日徐徐進一二碗足矣。俟五七日漸

漸加進粥。食忌生冷煎炒。葱蒜酒麯。炙焯厚味。肥甘之物。及氣惱。五十歲後。二服即効。

驟蟲味鹹氣寒有毒

南隱居曰、驟蟲又名地蠶。因形扁如蠶故名。生家牆壁下土中濕處無甲而有鱗八足頭如葉子。

○驟蟲破血積癥瘕行血閉寒熱之藥也。梁心如曰：此物得濕土之陰受幽暗之氣故其性有小毒。以刀斷之中有白汁如漿。湊接半日即復聯續而能行動。故今人以之治跌撲損傷續筋骨有奇効也。張仲景治雜病方及久病積結有大黃驟蟲丸治瘧疾久發成瘻母有鼈甲丸並用此以其實有破堅下血之功也。又接骨科治折傷筋骨先以手整定骨節原位次用好酒研爛調服二三枚即完固亦不痛矣。如無瘀血留積者不宜用。

○集方治產後腹痛有乾血癥瘕者用驟蟲二十枚去足

炒桃仁二十枚去皮研。大黃一兩酒煮搗爛成膏。繩和爲丸如彈子大。每早服一丸酒下。○治久瘧成瘧癲。用麤蟲蟻蟎蜂窠俱炒各二兩。桃仁白芍藥牡丹皮厚模各三兩桂枝大黃紫葳乾薑人參瞿麥半夏俱炒各一兩赤硝一兩五錢共爲末。以鼈甲二觔酒一斗煮乾以龜甲柔爛如膠和丸梧子大。每日空心服百丸米湯下。

○治折傷筋骨用麤蟲焙燥爲末。每服三錢酒下立効。一方用生者和酒研汁服亦可。

蠻蠍味苦氣微寒。有毒沉也。降也。入足厥陰血分。

別錄曰。蠻蠍生江夏川谷。凡牛馬所在。都有之。寇氏曰。形類蜜蜂。腹四褐色黃而微綠色。嘴銳而利。若鋒鏽然。春半後秋半前出。暑月繁多。腹飽有血者。良。入藥去翅。炙乾用。

○蠻蠍破逐瘀血之藥也。程君安曰。按此物性善齧牛馬及諸畜血。而用以治血瘀。血閉。血脹。除賊血在胸腹五藏者。因其性而爲用也。故別錄方治女子月水不通。積聚而成癰瘕痞塊。寒熱疼痛。投此立除。又傷寒畜血發狂。仲景用抵當湯丸及乾血勞證。用大黃麤蟲丸。二方中咸入之。以其散藏府宿血結積。有神効也。又按繆氏曰。蠻蠍其用大畧與麤蟲相似。眞毒物也。又按仲景云。如傷寒發黃。脉沉結。小腹鞭。如小便不利者。爲無血。非

畜血也。不宜用也。瘀血未審的確者。不宜用也。女子月水不通。由於脾胃薄弱。肝血枯竭。而非血結閉塞者。不宜用也。腹中有癥瘕積聚。而兼有妊娠者。不宜用也。凡久病氣血虛甚。形質瘦損者。不宜用也。

○集方治傷寒太陽病。身黃。尿沉結。少腹鞭小便自利。甚人如狂者。用抵當湯丸。○治血瘀閉。乾血虛勞。羸瘦。肌膚甲錯。兩目黯黑者。用大黃麴蟲丸。二方俱見麴蟲條。

下。

蟲部 濕生類

蟾酥味辛苦烈氣熱有毒可升可降遍行十二經絡藏府  
喚原谿谷關節諸處。

李氏曰。蟾蜍鏡頭大腹促眉漏聲皮上多癩癰生江澗  
陂澤及人家園圃陰濕處五月五日取得用繩縛倒懸  
乾死剉碎用○古人取蟾酥以油單紙裹蟾眉擠之酥  
在紙上陰乾用今人取蟾酥用蒜肉及胡椒末納蟾口  
內則蟾身白汁出以竹管刮下麯和成塊  
乾之亦可用其汁不可入目令人赤腫盲

○蟾酥療瘡積消腋脹解疔毒之藥也湯濟菴曰按李時  
珍言蟾蜍土之精也上應月魄而性靈異穴土食蟲辟  
伏山精故能化解一切瘍瘻壅滯諸疾如積毒積塊積  
脹內疔癰腫之證有攻毒拔毒之功也然味辛辣而麻  
入口舌卽癥不有毒之物耳不可多用

○集方治瘧積。骨瘦面黃。腹大肢細。或好食泥土。用真蟾酥一錢。酒二三匙。浸化硃砂一錢。麝香五分。俱研細。和入蟾酥研爲丸。如麻子大。空心服一丸。白湯吞下。三十

丸全愈。①治一切臌脹。方見本部。蟬蛹條下。○治一切

疔毒垂死。用蟾酥一錢。取酒二三匙。浸化硃砂。銅青。乳香。沒藥。各一錢二分。研極細。取大蟾蜍二十個。共研丸。如麻子大。每遇此患。服五七丸。葱頭湯吞下。

○ 蟑蟀  
李氏曰。蟣蟀。蟻慕青龍之子也。二三月。墓竈肖子于水際草上。體殺如索。有黑隕落至春水時。鳴以壯之。

則蟣蟀皆出。大如匙背。狀如河豚頭。圓身黑。始出有尾無足。稍大則足生尾退。

○ 蟑蟀染鬚髮之藥也。趙天民曰。拔草氏方。取蟣蟀子。和青胡桃皮。入兩研細。和搗如泥。染鬚髮即黑。百日以。發。又方。取蟣蟀黑桑根各半。搗細。入蜜漿內。密封匣上。百日化泥。取塗鬚髮。即黑如漆也。

蜈蚣味辛氣溫有毒入手足厥陰經

李氏曰。蜈蚣生南方處處有之。生土石間及人家屋壁中。形如馬陸而光黑綠色。足赤腹黃。雙鬚岐尾節節有足。春出冬藏。南方山谷中。有極大長尺者。能制毒蛇。性畏蜘蛛。輒避之即死。修治火灸去頭足。用外有干足蟲。真相似。只是頭上有白肉面。并嘴尖。抱着腥臭入頂。誤用能致人死。

○蜈蚣治小兒驚癇風搐。臍風口噤之藥也。金自恒曰。此藥性烈有毒。能驅風攻毒。蓋行而疾者。惟風與蛇。蜈蚣能制蛇。故亦能截風。如楊士行方治風癎風毒。若瘰癧便癰。小兒風癎痰厥。并臍風口噤等疾。咸需用之。別錄又治心腹惡血積聚。血癥血癬。寒熱面黃。又能去瘀血也。已上諸證。惟風氣暴烈。血瘀血毒爲患者。可以當之。如屬血虛生風。血熱成毒者。宜斟酌投之。

聖濟錄云嶺南蠻烟瘴雨之鄉多毒蛇氣人有觸之項腫連喉水漿不利寒熱頭脹用赤足蜈蚣一條研細白湯調服卽愈據此則蜈蚣之治蛇蠱蛇毒蛇瘕諸病皆此意也

指方

○集方治小兒急驚風癇脾風天弔眼反白睛角弓反張

聲不出者用蜈蚣一條炙乾爲末硃砂輕粉各一錢麝香五分共研勻用乳汁調灌十分再取一分吹兩鼻孔

○治療癰潰爛不收用蜈蚣一條炙乾爲細末每日用少許傳之

○治便毒初起用蜈蚣一條炙乾爲末酒調

空心服○治腹內有惡血積聚血瘕血癥面黃寒熱腹脹不食用蜈蚣三條炙乾爲末酒調空心作三次服○

治腹內蛇瘕是悞食菜中蛇精。或食蛇肉成瘕。腹內常  
餓食物卽吐。以蜈蚣三條炙乾研末酒調空心作三次  
服。○治無故腹大如箕。用蜈蚣三條炙乾爲末。入雞子  
內攪勻。封固蒸熟食之。

蚯蚓味鹹氣寒有毒

李氏曰：蚯蚓處處壤地多有之。孟夏始出，仲冬蟄結。雨則先出，晴則夜鳴。入藥以白頸者良，或搗爛或晒乾用。

○蚯蚓療傷寒陽明伏熱狂謬之藥也。須四可曰：此藥得土中陰水之氣，性大寒，善降而下行。善治一切風痰熱痰諸疾。陳藏器治大人天行熱狂，小兒熱病癲癇急驚風搐等證。大抵攻病用有毒之劑，中病即當止，勿過服也。性有小毒，如被其毒者，以鹽水飲之即解。

○集方治傷寒陽明熱結，六七日狂亂見鬼。以大白頸蚯蚓二兩搗爛童便一碗調和，綃汁飲。○治小兒急驚癲癇風搐，用大白頸蚯蚓三條搗爛，薄荷一兩煎湯調和，綃汁飲。○治小便不通，不拘老人、大人、小兒用大白頸

蚯蚓數條，搗爛白湯調和，絞汁一碗服，立通。

蜒蚰又名味鹹氣寒有毒

蘇氏曰。蜒蚰生人家牆垣石隙間。晉夏間陰雨則生形如蠍頭有兩角。背黑有花斑點。肚白身多涎。能制蠍蛇。見蠍卽化爲水。

○蜒蚰解一切熱毒之藥也。蔡心吾曰。此物稟地中陰濕之氣而生。水土之精也。善治一切風熱火燥爲毒。一切風熱火痰爲病。如本經治風火喘。筋攣脹結。甄氏治丹毒疔腫。喉癰癰毒。李氏治溲秘消渴。痰脹。蘿膜研爛入諸丸藥。効驗甚速。然其氣大寒。非真有風熱火燥者不宜服。

○集方治陽火躁擾。陰血虧竭。賊風乘虛入中經絡。至成口瘡。身僻。四肢挛縮者。用五加皮六兩。當歸身四兩。共

酒炒研細末。蜒蚰百枚研爛爲丸。梧子大。每服五錢。人

參湯下。○治一切丹毒癰毒。疔腫喉痺。用生明礬二錢。

研細末。以蜒蚰十枚研和爲丸。如芡實大。白湯吞下。○

治小便秘脹不通。用蜒蚰五個。搗爛加麝香五釐。貼臍

上立通。○治消渴引飲。用蜒蚰十四粒。以溫湯吞之。○

治一切臌脹。鹽脹。用蜒蚰五十枚。草麻子肉四兩。巴豆

肉一錢。俱研去油。生半夏一兩。研細。蟾酥三錢。真牛黃

二錢。用酒半鍾。浸化和入草麻子豆半夏末內。拌勻。隨

將蜒蚰蟾酥。牛黃。和勻。總研成膏。爲丸如麻子大。每早

午晚各服十九。以津唾嚥下。